

四庫全書

史部

欽定四庫全書

史部  
皇朝通志卷一至四

編修 臣 錢 樾 覆 勘

總校官編修 臣 倉 聖 脉

欽定四庫全書

皇朝通志卷二

氏族畧二

滿洲八旗姓

臣等謹按鄭樵通志氏族畧祇詳受姓原始而不  
臚載人名蓋統古初以迄唐宋勢不能備書也茲  
恭纂

皇朝氏族自應倣八旗氏族通譜之例每姓俱係以人

惟是我

國家數百年來休養生息人才蔚起支族繁衍其間  
名登仕籍者不勝臚列謹擬於

國姓而下凡

后族尚主開國戰功及位躋一品爵列五等者咸為登  
載外此不及格者不能徧錄其以勲績賢能特予  
諡法名入祀典者雖平等官職自應採入若僅襲  
世職膺高位而別無事功或罹罪譴雖洊歷貴顯

亦從刪節此又微寓變通之義而非盡以名位拘也至姓氏前後次序悉照八旗氏族通譜恭載其有滿洲蒙古姓氏通譜未載而見於八旗通志及各旗檔冊者並為附載另立一卷所載之人無多名位不以格拘庶氏因人著人因氏存二者並行不廢云

瓜爾佳氏

散處蘇完葉赫訥殷蜚悠城安褚拉庫尼瑪察瓦爾喀費德里哈達烏拉呼爾

哈嘉通阿等地方索爾果鑲黃旗人原係蘇完部長有子十人其族最盛費英東其次子也

國初

隨父率五百戶首先來歸  
太祖高皇帝嘉  
之授一等大臣以孫女降焉征瓦爾喀國取噶家  
路悉收降人以歸又征安褚拉庫路取屯寨二十  
餘處值烏拉圍發兵萬人要諸路復大敗其衆又  
取撫順縣明兵來援督諸軍大破之後從征烏拉  
及葉赫皆克其城授一等子任都統崇德中追封  
直義公配享  
太廟順治中定為開創第一  
功臣加世職三等公雍正中加封號信勇公納海  
費英東次子投備禦駐防千山地方有追亡殺賊  
之功後在旅順口陣亡贈三等輕車都尉祀昭忠  
祠其子顧素襲職從征錦州敗松山援兵又連敗  
洪承疇十三萬衆征福建破海寇鄭成功兵叙功  
授三等男索海費英東第六子任刑部尚書圖賴  
費英東第七子由廢員從征錦州擊却寧遠援兵  
又征北京連破明總兵滿桂兵授騎都尉後取大  
凌河敗明監軍道張春兵征山東擊敗吳三桂八

千餘衆連克四城授三等男 定鼎時以步  
戰破賊李自成營復追至慶都敗之封三等公又  
攻拔太平府城擒福王晉封一等公後征福建擊  
黃鳴駿等於仙霞關十五戰皆捷下泉州府等十  
城殺唐王朱聿劍及方國安等降其衆八千餘人  
以病卒於軍諡昭勳配享 太廟其子頤爾  
噴襲爵任領侍衛內大臣圖賴之曾孫瑪爾泰由  
都統任陝甘總督瑪爾薩任內大臣授叅贊大臣  
征準噶爾陣亡贈騎都尉兼一雲騎尉其子敦住  
襲職署建寧鎮總兵官從征金川有功後在木克  
什陣亡贈三等輕車都尉並祀昭忠祠又費英東  
元孫兆德襲三等公任都統其弟哈達漢任都統  
議政大臣領侍衛內大臣兵部尚書郎格費英東  
第七弟任尚書議政大臣衛齊費英東第九弟授  
騎都尉征呼爾哈收獲五百戶又攻克遵化州有  
功授三等輕車都尉預十六大臣之列任八門總

管諭端勤卓普特衛齊次子由佐領征黑龍江有功授雲騎尉後圓錦州敗松山杏山兵又從征杭州海寧平湖松江等處後征湖廣克王公嶺叙功授三等男加二等男任都統鼇拜衛齊第三子由佐領從征錦州有功後由大同入邊克得勝堡大兵征皮島鼇拜鼓勇先登克之授三等男

賜巴圖魯號圓錦州洪承疇率吳三桂等十三萬衆來援  
太宗文皇帝親統大軍往禦鼇拜

等益奮勇進擊大破之吳三桂等夜遁鼇拜復追殺其馬步兵過半叙功授三等子晉封一等侯統兵駐防大同總兵姜瓖叛督官兵破其營斬瓖殆盡晉封二等公加少保受  
世祖章皇帝顧

命為輔政大臣  
特賜一等公加太師其軍功所得二等公令其子納穆福承襲任領侍衛內大臣後鼇拜緣事獲罪  
聖祖仁皇帝追賜一等男以其親弟巴哈之孫蘇赫承襲



宗憲皇帝復賞還一等公爵又加封超武公令其  
孫達福承襲隨征準噶爾陣亡贈騎都尉祀昭忠  
祠已哈由頭等侍衛從征陝西湖廣四川等處及  
追殺流寇有功授一等輕車都尉晉一等男任內  
大臣其次子蘇爾達任領侍衛內大臣謚恪僖第  
七子訥爾都係和碩額駙第八子卦勒察任領侍  
衛內大臣揚善鑲白旗人貴英東之姪授騎都尉  
擢置十六大臣之列取大凌河時以軍功授三等  
輕車都尉其曾孫穆賽任都統元孫邁祿任都統  
宜蓀揚善次弟以軍功擢置十六大臣之列任兵  
部尚書謚襄壯吉蓀揚善第三弟任禮部尚書其  
子蘇丹由叢軍叅領從征湖廣陣亡贈雲騎尉孫  
邁圖由雲騎尉從征吳逆擊敗偽都督郭應福等  
兵後征廣東陣亡贈騎都尉元孫伊成額由騎都  
尉從征準噶爾陣亡贈三等輕車都尉並祀昭忠  
祠烏賴鑲黃旗人亦貴英東之姪由廢員從征山

東連敗太監馮永盛兵又擊敗流賊二十萬衆授  
二等輕車都尉晉二等男任都統其孫布爾賽任  
都統從孫南太由佐領從征準噶爾陣亡贈雲騎  
尉祀昭忠祠車克鑲白旗人費英東同族內前鋒  
侍衛圍錦州連敗洪承疇兵又擊敗流賊二十萬  
衆授一等輕車都尉任戶部尚書擢內秘書院大  
學士加少師諡文端其弟色克任都統郭邁鑲黃  
旗人費英東同族任內大臣烏巴海正黃旗人  
國初來歸授騎都尉征瓦爾喀俘獲多人征烏扎  
拉及阿庫里尼滿等處獲其戶口以歸授一等輕  
車都尉又以征額赫庫掄有功授三等男後率寧  
古塔兵追獲叛亡授三等子任寧古塔將軍嘉隆  
阿正白旗人授雲騎尉於延安府追擊流賊陣亡  
贈三等輕車都尉祀昭忠祠其從孫瑪賴授二等  
男邁堪正藍旗人授一等輕車都尉任散秩大臣  
諡勤順其姪富達理任三等侍衛贈一等輕車都

尉諭忠貞常爾正藍旗人邁堪同族任吏部尚書  
倭赫正藍旗人邁堪同族國初來歸任禮部尚  
書加太子太保丹岱正藍旗人邁堪同族任杭州  
將軍鄂泰正白旗人國初來歸由廢員從征有  
功賜巴圖魯號征江西攻克九江府征陝  
西招撫王輔臣有功授騎都尉兼一雲騎尉任副  
都統海音布正黃旗人國初來歸由間散從征  
蕪州克之賜巴圖魯號授二等輕車都尉  
任城守尉永貴正黃旗人由騎都尉從征福建陣  
亡贈一等輕車都尉祀昭忠祠阿拉穆正黃旗人  
國初來歸由佐領從征松江俘獲多人後追  
學流寢陣亡贈雲騎尉祀昭忠祠其子安珠瑚襲  
職從征浙江舟山有功授二等輕車都尉任寧古  
塔副都統擢奉天將軍瑪爾圖正黃旗人阿拉穆  
同族任戶部尚書其弟瑪爾吉順治壬辰進士  
殿試第一甲第一名任兩江總督尋調刑部侍郎

奉

命征廣西招撫吳逆之偽總兵等五十

五員後奉

旨 在步軍統領上行走其姪賡

額任兵部尚書巴林鑲黃旗人 國初來歸由聞

散攻深州城奮勇先登陣亡贈騎都尉祀昭忠祠

達蘭正黃旗人 國初來歸由間散攻克永平府

城授雲騎尉後征朝鮮陣亡贈騎都尉祀昭忠祠

武魯理由護軍校從征貴州回兵時遇海寇鄭成

功兵擊敗之授雲騎尉後征湖廣陣亡贈騎都尉

祀昭忠祠達色正黃旗人任都統領侍衛內大臣

烏巴海正白旗人 國初來歸授前鋒校從征湖

廣陣亡贈雲騎尉祀昭忠祠石國柱正白旗人

太祖高皇帝取廣寧國柱偕弟天柱廷柱舉

城迎降授輕車都尉屢從征伐有功授三等男擢

工部尚書其孫賽音達禮任都統石廷柱以獻城

功授三等輕車都尉取囊弩格時奮勇克敵授三

等男從征察哈爾及旅順口有功又擊敗松山杏

山兵招撫昌平懷來等州縣太原等府累授至一等子晉三等伯後園大同敗澤州賊兵三千又攻克渾源州汾州府等五城晉一等伯任兵部尚書京口鎮海將軍加少保贈少傅諡忠勇其子華善係和碩額駙任內大臣定南將軍石琳任兩廣總督孫石文炳任福州將軍石文晟任湖廣總督石文英石文昌俱任都統石文焯任禮部尚書曾孫穆赫麟觀音保俱任都統扎爾泰正白旗人任都統諾倫鑲黃旗人任綏遠城將軍勞薩鑲紅旗人世居安褚拉庫地方國初來歸由閒散攻克遼東投三等輕車都尉取大凌河屢擒敵哨征錦州擊敗明監軍道張春兵授三等男賜碩翁科洛巴圖魯號圓錦州擊敗松山兵又破明兵八千餘衆授二等男後擊洪承疇陣亡贈三等子諡忠毅其子程尼襲三等子晉封一等伯授議政大臣後征湖南陣亡加贈一雲騎尉諡誠介並祀昭

忠祠羅璧勞薩之弟由佐領圍錦州屢敗杏山松  
山兵又破洪承疇三營兵定鼎時擊敗流  
賊二十萬衆招撫鳳翔等五府加授一等輕車都  
尉晉封二等公授議政大臣加少保其元孫欽拜  
任綏遠大將軍諡肅敏額洛圖欽拜之姪任奉天  
將軍殷泰鑲紅旗人任川陝總督諡清端尼唐阿  
鑲藍旗人世居尼瑪察地方國初率兄弟同里  
來歸設佐領使統之其弟尼努投騎都尉其子根  
特襲職定鼎時敗流賊二十萬衆加一等  
輕車都尉征山西攻克芮城縣又敗李建泰郭宗  
傑等二萬餘衆續征湖南敗孫可望兵於分山路  
口叙功授三等男征浙江恢復舟山授一等男任  
都統議政大臣諡哀壯祀賢良祠帝綏鑲藍旗人  
任禮部尚書扎爾圖赴鑲藍旗人世居瓦爾喀地方  
原係本處部長國初率百戶來歸編佐領令其  
子顏布理統之并授騎都尉從征瀋陽陣亡贈二

等輕車都尉其曾孫葛達渾由佐領從征陝西在  
平涼府擊王輔臣兵陣亡贈雲騎尉並祀昭忠祠  
新泰鑲紅旗人扎爾起同族任都統吉哈理鑲白  
旗人由前鋒侍衛從征準噶爾陣亡贈雲騎尉祀  
昭忠祠格思特鑲白旗人由前鋒叅領從征浙江  
舟山有功後征厄魯特噶爾丹陣亡贈雲騎尉加  
副都統職銜祀昭忠祠俄孟額鑲藍旗人世居瓦  
爾喀地方國初率族衆來歸設佐領使統之預  
十六大臣之列授二等輕車都尉其元孫法喀任  
都統謚勤恪其從弟滿福任都統征沙喇斯瑪呼  
斯陣亡謚勤毅祀昭忠祠額爾必赫正白旗人  
國初朱歸由間散從征大同攻左衛首先登城力  
戰陣亡贈騎都尉祀昭忠祠阿士喜鑲紅旗人世  
居長白山地方任兩江總督托木星阿正白旗人  
由叅軍叅領從征福建陣亡贈騎都尉祀昭忠祠  
扈圖正白旗人世居蜚悠城地方國初來歸由

茂軍校從征福建克汾水關後征湖廣敗楊勇等  
兵三千餘衆又攻曹縣首先登城克之授雲騎尉  
叢軍統領其子奇爾薩襲職任都統德福鑲紅旗  
人由前鋒侍衛從征準噶爾陣亡贈雲騎尉祀昭  
忠祠巴山鑲黃旗人世居哈達地方由佐領從征  
山東敗太監馮永盛兵梯攻鉅鹿縣克其城加一  
雲騎尉又擊敗流賊兵授三等輕車都尉加至三  
等男後駐防江寧以防守功授二等男其子舒恕  
襲職從征陝西擊敗王輔臣兵績征雲南有功授  
一等男其從弟布克沙由叅領從征皮島首先進  
擊圍錦州敗松山杏山援兵奪其燾又破洪承疇  
三營兵征山東取蒙陰沂水二縣後追騰吉斯敗  
土謝圖汗及碩羅汗兵授一等輕車都尉任戶部  
侍郎副都統其子貴福由二等侍衛從征雲南攻  
沅江府克其城後征江西陣亡贈雲騎尉祀昭忠  
祠葉成額鑲白旗人世居葉赫地方任刑部尚書



蘇已奉正黃旗人由閒散從征山東攻濟南府首  
先登城克之賜已圖魯號授騎都尉團錦  
州擊敗松山杏山援兵加至一等輕車都尉兼一  
雲騎尉明愛正藍旗人國初來歸由閒散從征  
大同攻左衛首先登城力戰陣亡贈雲騎尉祀昭  
忠祠其子尚吉圖襲職從征四川屢敗賊張獻忠  
馬步兵征山西江西湖廣等處均有功授二等輕  
車都尉任副都統滿都理鑲黃旗人世居烏拉地  
方由叢軍從征朝鮮奪船有功圖錦州賊洪承疇  
十三萬衆授二等輕車都尉任內大臣其姪三泰  
任禮部尚書協辦大學士議政大臣諡文恭多勳  
鑲白旗人國初來歸設佐領使統之以從征哈  
達功授二等輕車都尉推置十六大臣之列其姪  
索渾任都統額黑瑪庫正白旗人由三等侍衛從  
征福建擊海寇於廈門陣亡贈雲騎尉祀昭忠祠  
其姪珠滿襲職從征江西續征雲南均有功授騎

都尉兼一雲騎尉任荊州將軍已客正紅旗人由  
前鋒叅領從征準噶爾陣亡贈雲騎尉祀昭忠祠  
圖赫特正藍旗人由三等輕車都尉從征湖廣陣  
亡贈二等輕車都尉祀昭忠祠齋山正白旗人世  
居訥殷地方由二等輕車都尉從征福建陣亡贈  
一等輕車都尉祀昭忠祠海蘭正白旗人任都統  
葉楚鑲黃旗人任內大臣烏理戲正白旗人世居  
費德里地方國初來歸授卡倫章京值葉赫等  
九部來侵奉命往探形勢我兵追擊大獲  
全勝太祖高皇帝嘉其績設佐領使統之

後巡哨呼蘭地方遇明總兵李如栢兵率二十人  
擊敗其衆投副將銜其長子吳拜襲佐領預十六  
大臣之列從征遼東及董夔寧遠囊弩克屢著軍  
功授三等男綠市削職後以敗流賊功授一等子  
晉封二等伯綠市削革尋授內大臣後軍功所得  
一等子誥壯果其子郎垣襲職任都統領侍衛內

大臣昭武將軍其子拉馨襲職任都統蘇拜烏理  
戲次子由佐領征北京敗太監馮永盛兵又屢敗  
松山杏山兵圍錦州擊敗洪承疇三營兵又攻克  
樂安昌邑二縣授三等輕車都尉定鼎時  
敗流賊二十萬衆又連破李自成營獲其金印征  
四川屢敗張獻忠兵授二等子緣革職尋復授  
一等男世職任領侍衛內大臣諡勤僖沙爾呼達  
鑲藍旗人世居呼爾哈地方由佐領征錦州敗明  
監軍道張春兵授三等輕車都尉破流賊滅福王  
平定河南江南等處又征江西有功授三等男加  
一等男任前鋒統領贈太子太保諡襄壯其子巴  
海襲職授寧古塔將軍其孫安泰任杭州將軍阿  
球正藍旗人世居沙津穆爾濟地方國初率族  
衆來歸攻安州先登克其城賜巴圖魯號  
編佐領使統之其族弟敦拜任吏部尚書僧錫正  
藍旗人世居沾地方國初來歸由領催攻順義

縣首先登城克之 賜巴圖魯號授騎都尉  
後征朝鮮陣亡贈一雲騎尉祀昭忠祠堪塔罕正  
白旗人世居呼爾哈地方 國初來歸由叢軍叅  
領從征山東陣亡贈雲騎尉其子蓋思海襲職從  
征浙江舟山薙船十八隻授騎都尉後攻永興縣  
陣亡加贈一雲騎尉並祀昭忠祠錫伯正藍旗人  
世居嘉通阿地方任寧夏將軍加太子少保世襲  
騎都尉諡襄壯泰錫鑲藍旗人世居福新德喜莽  
堪地方 國初率子弟來歸授為扎爾固齊其曾  
孫巴錫任雲貴總督瓦濟瑪正白旗人世居雅爾  
呼地方由叅領從征湖廣陣亡贈雲騎尉祀昭忠  
祠庫爾訥鑲藍旗人世居尚陽堡地方任吏部尚  
書卓布泰鑲黃旗人任都統授二等男諡襄武端  
濟布鑲黃旗人贈都統諡壯節觀音保正藍旗人  
任叢軍統領授領隊大臣從征緬甸陣亡贈二等  
輕車都尉祀昭忠祠羅沙正藍旗人任議政大臣

贈一等伯吳達善正紅旗人任陝甘總督諡勤毅  
祀賢良祠努三正黃旗人任都統領侍衛內大臣

諡恪

靖

臣等謹按瓜爾佳本金部名見金史以部為氏車  
克曾蒙

太宗文皇帝賜姓覺羅石國柱因父名石翰遂以石為氏  
今並列於總論各條下與此互載以資稽考

鈕祜祿氏

散處長白山英額瓜爾佳瑋春地方額  
亦都鑲黃旗人世居長白山地方幼從

太祖高皇帝征討所向皆捷攻取巴爾達  
城又敗葉赫等九部來犯之兵  
賜巴圖魯

號旋以和碩公主降馬授左翼總兵官一等大臣  
天命中追封弘毅公配享太廟額亦都第

三子車爾格任都統從征朝鮮及錦州有功晉戶  
部尚書授三等輕車都尉其子拉哈達襲推工部

尚書授寧海將軍征福建恢復府州縣城三十餘  
處平定漳州府屬十州縣其孫海常任京口將軍

又車爾格之子辰泰由護軍叅領從征錦州及朝  
鮮有功授騎都尉征山東攻克東阿汶上寧陽三

縣又敗流賊二十萬衆征湖廣福建斬獲招撫甚  
衆授二等男又征湖廣有功授一等子任都統晉

國史院大學士兼吏部尚書諡忠襄額亦都第  
八子圖爾格由廢員從征山東有功授騎都尉圖

錦州屢敗松山杏山兵授三等子後圖松山敵兵  
夜犯御營圖爾格發矢連殪二人偕衆退

敵晉封三等公預十六大臣之列任都統吏部尚  
書順治中追封忠義公配享太廟額亦都

第十子宜爾登由廢員從征北京擊敗明總兵祖  
大壽等又敗洪承疇十三萬衆叙功授三等男晉  
二等伯任領侍衛內大臣議政大臣諡忠直其孫  
噶都襲爵任領侍衛內大臣其子唐保任任奉天  
將軍額亦都第十三子緯哈爾任兵部侍郎議政  
大臣後攻錦州陣亡贈二等輕車都尉諡壯果祀  
昭忠祠其子額赫理襲職從征湖廣福建等處招  
撫二縣一百五十三寨授一等男緣事降三等男  
任工部尚書其子英素襲職征厄魯特噶爾丹有  
功授二等男其孫郎保襲從征準噶爾陣亡祀昭  
忠祠額亦都第十六子遏必隆為和碩公主所出  
初襲一等子後從征山東湖廣有功晉封一等公  
任鑾儀衛掌儀事內大臣加少保順治十八年受  
顧命為輔政大臣加太師諡恪僖為

孝昭仁皇后之父康熙中奉  
家立廟祀之其長子法喀襲一等公任  
特旨令其御前大

臣內大臣叢軍統領第四子尹德襲一等子任都  
統雍正中承襲公爵授領侍衛內大臣諡愨敬祀  
賢良祠第五子阿靈阿承襲一等公爵任議政大  
臣領侍衛內大臣理藩院尚書法喀之子薩穆哈  
任領侍衛內大臣授叅贊大臣掌威武大將軍印  
諡愨勤尹德長子策楞任西路定邊將軍征阿睦  
爾撒納陣亡祀昭忠祠第五子阿里衮襲封果毅  
公任戶部尚書加太子太保授定邊右副將軍諡  
襄壯祀賢良祠其子豐昇額封果毅繼勇公任戶  
部尚書授副將軍諡誠武阿靈阿之次子阿爾松  
阿任領侍衛內大臣刑部尚書第四子達爾當阿  
任定西右副將軍尚書協辦大學士又額亦都之  
孫瓦岱任都統議政大臣達達海任鑾儀衛掌儀  
事內大臣額亦都之姪孫凌柱任四品典儀內大  
臣為 孝聖憲皇后之父晉封一等公諡良  
榮祖額宜騰父吳祿俱追封公爵賴盧渾都督鑲



紅旗人世居英額地方國初率衆來歸編佐領  
今其孫庫爾禪統之任弘文院大學士庫爾禪之  
姪高堅由一等輕車都尉定鼎時敗流賊  
二十萬衆授二等男任副都統高堅之姪旺古埋  
任都統阿哈碩色由二等輕車都尉從征準噶爾  
陣亡追贈一雲騎尉祀昭忠祠那爾察鑲黃旗人  
賴盧渾都督同族世居安圖瓜爾佳地方國初  
來歸授騎都尉征明有功授三等輕車都尉任副  
都統預十六大臣之列後攻沙嶺陣亡諡端壯祀  
昭忠祠其子瑚沙襲職從征大同及察哈爾有功  
加一雲騎尉定鼎時敗流賊二十萬衆征  
四川屢敗張獻忠兵加至二等男任都統其弟烏  
舍由護軍叅領破流賊滅福王平定河南江南等  
處屢著戰功授騎都尉兼一雲騎尉後征福建厦  
門陣亡贈一等輕車都尉祀昭忠祠格爾古德鑲  
藍旗人任直隸巡撫諡文清常爾鑲紅旗人世居

瓦爾喀地方任都統克納正藍旗人世居琿春地方任文華殿大學士兼吏部尚書加太子太保諡文端郭丕正白旗人世居佛阿拉地方任杭州將軍素爾納正紅旗人任都察院左都御史兼都統富昌鑲紅旗人任綏遠城將軍

臣等謹按鈕祜祿本金姓見金史以姓為氏

舒穆祿氏

散處庫爾喀琿春珠舍哩等地方揚古利正黃旗人係庫爾喀部長郎柱長子

郎柱翼戴

太祖高皇帝服市惟謹

太祖厚遇之

命其子揚古利入侍以公主

降馬從征輝發取訥殷及珠舍哩安褚拉庫赫席黑穆諸路又隨征哈達生擒孟格布魯貝勒又擊敗明兵取鐵嶺瀋陽遼陽俱有功太祖命位次貝勒八人下統左翼兵授一等子後隨

太宗文皇帝征明擊敗滿柱兵又敗明兵於錦州授三等公晉超品公與多羅英郡王阿濟格等征明克昌平等十二城敗敵者五十八次生擒總兵巢丕昌等俘獲十八萬人後征朝鮮陣亡追封武勳王配享太廟雍正中加世爵封號英誠公其子塔瞻襲爵任領侍衛內大臣授定西將軍征雲南獲柱王加太子太保諡敬康其子富善襲爵任領侍衛內大臣加太子太保諡恭懿並祀賢良祠其子海金襲爵任領侍衛內大臣其子豐盛額襲爵任都統其子豐安襲爵任荊州將軍楞格理揚古利次弟由佐領授三等輕車都尉率八十人往達岱蘇巴爾罕界遇蒙古百餘人追逐殲之入其壘俘獲七百人殺三塔布囊晉一等男又往蒙古界俘四營七千人又征朝鮮攻克義州授一等子任刑部尚書兼都統諡武襄其子穆成額襲一等子任兵部侍郎其子穆赫琳襲一等子加

一等伯任掌鑾儀衛事內大臣兼叢軍統領又樞格理元孫  
掌鑾儀衛事內大臣兼叢軍統領又樞格理元孫  
吉黨阿任歸化城都統訥木泰揚古利第三弟任  
兵部尚書尋授都統征大凌河及征大同有功又  
敗平魯衛兵授三等男譚布亦揚古利之弟由佐  
領授騎都尉征黑龍江及圍錦州有功又敗流賊  
二十萬衆征四川敗賊張獻忠兵又於平陽太原  
等處招降二州十一縣授三等男任工部尚書其  
子喀岱襲職任都統議政大臣伊爾德揚古利族  
姪隨揚古利來歸征北京敗薊州兵取大凌河擊  
明監軍道張春兵一人執弓當  
御前伊爾  
德馳斬之授騎都尉入關時下定興縣攻昌平州  
敗巢丕昌等兵授一等男又平定河南江南降一  
州四縣征福建江西降一府十三縣加至三等侯  
緣事罷職尋授鎮海大將軍恢復舟山叙功復原  
職晉一等侯任都統議政大臣諡襄敏其孫巴渾

德襲爵任領侍衛內大臣諡恭恪又伊爾德會孫  
綽爾多任西安將軍諡質愷又揚古利族姪額爾  
濟赫由騎都尉取錦州有功後攻薊州陣亡贈一  
等輕車都尉祀昭忠祠其子色爾弼襲職加至一  
等男其姪舒楞額任吏部侍郎兼副都統征北路  
陣亡贈騎都尉祀昭忠祠赫綬正黃旗人世居庫  
爾喀地方任理藩院尚書其姪席特庫任都統阿  
爾錫鑲藍旗人世居瑋春地方任都統圖拉正黃  
旗人由主事授騎都尉從征浙江舟山有功加一  
雲騎尉任杭州將軍瑪照鑲黃旗人由叅領從征  
準噶爾陣亡贈雲騎尉祀昭忠祠葉臣正白旗人  
世居珠舍哩地方國初率族衆來歸  
祖高皇帝以妹婁之稱為瑚勒額駙其族叔岳朗  
額忬叛業臣據實奏聞斬之岳朗額之弟  
奇朗額復領兵來戰業臣殺逆賊杭阿達額託二  
人生擒奇托奇朗額阿喀等三人

太祖重

<p>加賞賚令移居瑚勒地方後征哈達陣亡贈三等輕車都尉祀昭忠祠其親弟之孫坡理襲職從征</p>	<p>雲南有功加一雲騎尉授為三等男又葉臣族孫佛倫任文淵閣大學士兼禮部尚書托倫任都</p>	<p>統布噶正藍旗人世居吉陽地方國初率同里來歸編佐領使統之時拜常阿吳和車栗藍布冷</p>	<p>等四村叛逆布噶擒斬之又征明有功授二等輕車都尉後征瀋陽陣亡祀昭忠祠其孫艾圖襲職</p>	<p>加至二等男扎齊巴鑲黃旗人世居哈爾敏地方國初率族眾來歸授佐領征烏拉破遼東有功</p>	<p>加三等輕車都尉授為扎爾固齊其族孫常武由護軍叅領從征厄魯特噶爾丹陣亡贈雲騎尉祀</p>	<p>昭忠祠徐元夢正白旗人世居琿春都瑪呼村地方任戶部尚書協辦大學士加太子少保贈太傅</p>	<p>諡文定其孫舒赫德任武英殿大學士兼刑部尚書贈太保諡文襄並祀賢良祠富僧阿正黃旗</p>
---	--	--	---	--	---	---	--

人任西

安將軍

臣等謹按舒穆祿本金姓見金史以姓為氏

馬佳氏

散處綠芬馬佳穆丹寧古塔等地方珣石正黃旗人世居綠芬地方國初來歸其

曾孫彰屯由佐領從征朝鮮及圖錦州屢敗賊兵授騎都尉加三等輕車都尉其子圖勒慎襲職

定鼎時擊敗流賊二十萬眾授二等輕車都尉其兄羅托襲職加至三等男從征江西及浙江

舟山均克獲有功授二等男珣石元孫保定任齊哈爾將軍領侍衛內大臣四世孫馬尼任都統

圖海瑚石曾孫任弘文院大學士管理刑部尚書事加太子太保緣事罷退康熙初授都統為定西

將軍征湖廣勦滅流寇郝搖旗劉汝魁李來亨等叙功授一等輕車都尉後奉命為副將軍

欽定四庫全書

皇朝通志

十五

征察哈爾布爾尼屢敗賊衆招撫察哈爾民一千三百餘戶授一等男後奉命為撫遠大將

軍統兵抵平涼克虎山墩王輔臣率衆來降封三等公授中和殿大學士吏部尚書加太子太傅

諡文襄追贈少保配享太廟加封號忠達

公任都統刑部尚書其子馬禮善襲一等公任都

統刑部尚書布丹正白旗人任工部侍郎贈太子

少保赫東額鑲黃旗人世居馬佳地方國初率

衆來歸授為扎爾固齊從征哈達輝發烏拉等處

每戰皆捷授一等男其長子雅希善授騎都尉擢

扎爾固齊從征界凡破其大營又克遼東有功授

三等男諡敏果其子訥爾特由騎都尉征錦州屢

敗杏山松山兵征大同克小石城擢副都統刑部

侍郎征山東克武定城後擊吳三桂陣亡贈三等

輕車都尉祀昭忠祠其從孫哈岱任都統郎塞鑲



黃旗人 國初來歸授騎都尉從征烏拉有功授  
二等輕車都尉其子新泰襲職加至三等男任副  
都統又郎塞曾孫阿魯任寧夏將軍諡果達和起  
正黃旗人任寧夏將軍征準噶爾陣亡贈一等伯  
諡武烈祀賢良祠並祀昭忠祠其子和隆武襲爵  
任吉林將軍以征金川功晉封果勇侯諡壯毅威  
赫德正黃旗人世居穆丹地方由一等輕車都尉  
征湖南敗孫可望兵征浙江舟山有功又征福建  
破海寇鄭成功於廈門征察哈爾布爾尼奮勇破  
賊叙功授二等男其弟瑚什穆任都統席柱任工  
部尚書從姪佟智任歸化城都統兵部尚書恆文  
任雲貴總督烏納漢正藍旗人世居寧古塔地方  
由莧軍參領從征四川陣亡贈雲騎尉祀  
昭忠祠明福正黃旗人任 盛京將軍

臣等謹按馬佳係地名以地為氏八旗氏族通譜

內滿洲蒙古兩見今併入滿洲姓內以後凡滿洲  
蒙古兩見者做此仍鄭志不重載之例云又考蒙  
古馬佳氏世居扎嚕特及科爾沁地方

棟鄂氏

世居棟鄂地方和理正紅旗人原係棟鄂部長國初率部屬來歸尚長公主授

頭等大臣征扎庫塔取烏拉授三等子諡溫順雍  
正中進封勇勤公子和碩圖襲爵授都統征北京  
擊敗馬蘭峪兵晉封三等公諡端恪其孫哀布襲  
爵加一等公其弟鵬春襲爵任都統又和理之  
子都壘任都統敗流賊二十萬衆授騎都尉晉一  
等男加至二等伯其孫齊什任都統又和碩圖之  
子瑚什布任都統魯克素正白旗人和理同族  
國初率衆來歸本名倫布

太祖高皇帝

賜名魯克素編佐領令伊次于席爾泰統之席爾  
泰由佐領晉十六大臣之列投遊擊世職

賜人丁千戶後征瀋陽陣亡其長子拉都內閣散  
征錦州擊敗杏山兵後征寧遠陣亡贈雲騎尉其  
弟巴都襲職敗流賊二十萬衆授二等輕車都尉  
征陝西延安綏德等處屢著戰功又擊敗賊魁一  
隻虎征湖廣江西福建均有功後於羅源縣擊賊  
陣亡贈一等輕車都尉兼一雲騎尉又魯克素長  
子席漢由騎都尉從征朝鮮攻畿陽城克之進攻  
三塔陣亡贈三等輕車都尉並祀昭忠祠其次子  
鄂碩襲職圍錦州敗松山杏山兵征山東擊敗吳  
三桂等又於山海關擊流賊大破之授三等男又  
征江南浙江均有功加至三等子鄂碩係  
孝獻皇后之父晉封三等伯任內大臣諡剛毅其  
子貴揚古襲爵任領侍衛內大臣授撫遠大將軍  
征噶爾丹凱旋晉一等公諡襄壯祀賢良祠又魯

允素之孫鄂爾多任吏部尚書諡敏恪五世孫永興任都統永常任安西提督定邊右副將軍克齊巴顏鑲紅旗人和理同族國初率部屬來歸編佐領令伊第三子噶爾呼機統之噶爾呼機授三等輕車都尉從征錦州陣亡贈二等輕車都尉祀昭忠祠克齊巴顏次子永順由革職叅將從征旅順口首先登城克之又征黑龍江有功授二等輕車都尉加至二等男任都統曾孫錫爾達任四川陝西總督元孫烏理布任黑龍江將軍托賴任刑部尚書從孫卓爾海任內大臣阿格巴顏免齊巴顏之弟率瓦爾喀什部屬來歸其長子阿蘭珠授扎爾固齊管佐領從征烏拉陣亡贈三等男諡順毅其子布蘭珠襲職攻錦州時擊寧遠兵陣亡贈雲騎尉並祀昭忠祠又阿格巴顏之孫赫業任安西將軍郎格阿格巴顏之姪由佐領以軍功授騎都尉從征瀋陽陣亡贈三等輕車都尉祀昭忠

祠其子和托任副都統吏部侍郎擊流賊有功又  
征山東計擒趙應元恢復青州授三等輕車都尉  
其姪碩色納襲職加一等輕車都尉兼一雲騎尉  
併為三等子征湖廣廣東有功晉二等子郎格會  
姪孫蘇柱任文淵閣大學士兼兵部尚書伊奇  
納正黃旗人和理同族任都統其姪舒禮渾由  
一等輕車都尉在延安府數敗流賊又追騰吉斯  
及土謝圖汗碩羅汗兵敗之又圍大同征雲南貴  
州屢著軍績授三等男任副都統拉布敦正黃旗  
人任都察院左都御史殉節西藏贈一等伯諡壯  
果祀昭忠祠常塞禮正白旗人任西安  
將軍三格正白旗人任副都統諡剛勇

臣等謹按棟鄂係地名以地為氏

赫舍哩氏

散處都英額和多穆哈達齋谷谷達葉  
林黑龍江等地方碩色正黃旗人世居

都英額地方國初偕其弟希福來歸  
祖高皇帝甚嘉之以碩色兼通滿漢蒙古文字  
太

賜名巴克什

命在文館行走其子索

尼亦兼通滿漢蒙古文字

命在文館辦事

亦  
賜名巴克什授騎都尉隨大兵征討所

向有功征錦州以二十餘人破明兵千餘攻永平

府克其城征察哈爾於大同地方率家丁敗賊獨

取阜臺寨叙功授三等男加至一等伯任內大臣

後受  
世祖章皇帝顧命為輔政大臣晉一

等公諡文忠長子噶布拉任領侍衛內大臣係

恪倖其子常泰襲一等公任領侍衛內大臣緣事

罷退後奉  
特旨復其爵希福兼通滿漢蒙

古文  
賜名巴克什奉使蒙古諸國綏撫

招徠承  
命弗辱大兵征董夔時往來科爾

沁國衛圍犯難著有勞績取大凌河擊錦州等處

<p>屢敗敵衆授三等輕車都尉任內弘文院大學士 順治初緣事免官尋復職授三等男加至三等子</p>	<p>贈太保諡文簡其子帥顏保任漕運總督值吳耿 二逆之叛往江西督餉有功授禮部尚書其子赫</p>	<p>奕任工部尚書其子嵩壽承襲三等子任禮部侍 郎額爾德尼正黃旗人國初來歸原姓納喇氏</p>	<p>奉 太宗文皇帝諭旨入碩色族中 賜姓赫舍哩氏因兼通滿漢蒙古文字當</p>	<p>太祖高皇帝時即以文字侍從招降納款著有勞 績授副將世職命與噶菴扎爾固齊編輯</p>	<p>國書順治中追諡文成拜音達理正紅旗人世 居和多穆哈連地方國初率百戶來歸設佐領</p>	<p>使統之其長子布顏任議政大臣薺軍統領烏巴 海正紅旗人拜音達理叔祖國初來歸任佐領</p>	<p>其子瑚理布由前鋒叅領擊流賊有功授前鋒統 領後為副將軍征四川陣亡贈太子太師祀昭忠</p>
--	--	---	--	---	--	---	--

祠烏巴海之孫扎拉克圖任歸化城都統烏巴海之姪錫來由驍騎尉破流賊滅福王平定河南江南等處屢著戰功後攻崑山縣陣亡贈雲騎尉又烏巴海之姪布達理由護軍叅領破流賊滅福王平定河南江南等處屢著戰功授騎都尉又追騰吉斯率前鋒敗之後從征江西陣亡贈一雲騎尉並祀昭忠祠宜巴理正藍旗人世居齋谷地方國初來歸授副將擢議政大臣預十六大臣之列其次弟宜拜由雲騎尉征錦州敗杏山松山援兵又敗流賊二十萬衆征山西時招安十一府三十二州一百七十一縣授三等輕車都尉加至三等男任都統議政大臣贈太子太保諡勤直庫爾禪宜巴理第四弟由雲騎尉征黑龍江及錦州有功又敗流賊二十萬衆平定河南江南俱有功授三等輕車都尉加至三等男任副都統其孫蒙古爾岱由佐領從征準噶爾陣亡贈雲騎尉祀昭忠祠



綽奇鑲白旗人宜已理同族任工部尚書嵩祝鑲  
藍旗人世居哈達地方任文華殿大學士兼禮  
部尚書加太子太傅阿里瑪正黃旗人由叅領從  
征厄魯特噶爾丹陣亡贈雲騎尉祀昭忠祠常蘇  
正白旗人任兩江總督烏納哈鑲黃旗人世居葉  
赫地方任江寧將軍謚簡懋能格正黃旗人由前  
鋒侍衛從征大同陣亡贈雲騎尉祀昭忠祠常保  
鑲藍旗人由前鋒侍衛從征準噶爾陣亡贈雲騎  
尉祀昭忠祠定受正黃旗人世居黑龍江穆理哈  
村地方由副都統征準噶爾授為將軍征阿勒台  
地方有功授一等輕車都尉後陣亡贈騎都尉祀  
昭忠祠其孫扎拉豐阿襲職征伊犁陣亡謚昭節  
祀旌勇祠布顏鑲紅旗人世居長白山地方任禮  
部尚書常祿保鑲藍旗人任高廉鎮總兵征金川  
陣亡祀  
昭忠祠

臣等謹按赫舍哩本金部名見金史以部為氏又考八旗氏族通譜滿洲蒙古兩見今併列滿洲姓內又考蒙古赫舍哩氏世居庫毘地方

塔塔喇氏

散處扎庫木安褚拉庫寧古塔訥殷江等地方岱爾庫哈理正白旗人世居扎

庫木地方國初率族衆來歸編佐領使其次子諾裔謨多之孫英俄爾岱統之英俄爾岱係多羅額駙時界凡人來犯疆圍擊敗之攻開原斬降明之蒙古勇將阿爾布大破其衆復於鐵嶺敗宰賽兵取遼陽下其城授二等輕車都尉擢戶部尚書兼都統授三等男定鼎時克錦州松山等處又敗流賊二十萬衆加至二等公其子伊圖襲任內大臣又岱爾庫哈理之長子拖博為多羅額

駙其孫蘇納海任國史院大學士兼戶部尚書  
加太子少保諡襄愍岱圖庫哈理之姪達音布授  
騎都尉於哈達地方擊敗蒙古兵又屢為大兵前  
哨先衆克敵授三等輕車都尉後取昂阿陣亡贈  
一等子祀昭忠祠其子阿濟格尼堪襲職平定朝  
鮮征山東及錦州寧遠屢著戰功加一雲騎尉又  
敗流賊二十萬衆授一等男又滅福王克揚州府  
城及金華府城征湖廣生擒何騰蛟加授二等伯  
諡武敏其子伊禮布襲職加一等伯任都統後於  
巖山嶺陣亡諡武壯又達音布之子戴袞由侍衛  
平定朝鮮著有軍功圍錦州時陣亡贈騎都尉並  
祀昭忠祠達音布之孫阿密達任領侍衛內大臣  
珠魯錫爾哈岱圖庫哈理同族國初率衆來歸  
編佐領令其長子都統阿敦之子譚拜統之譚拜  
授騎都尉攻取大凌河及察哈爾等處又征山東  
屢著軍功授二等輕車都尉任兵部尚書後征四

川屢敗張獻忠兵授二等男任都統其子瑪爾賽襲爵征貴州由水路回兵遇海寇鄭成功連敗其衆授一等子任戶部尚書兼都統又珠魯錫爾哈次子布山任都統薩弼圖正白旗人岱圖庫哈理同族國初率衆來歸編佐領使統之征黑龍江及杏山松山有功又征陝西擊敗流賊授一等輕車都尉加二等男任副都統其子國禮襲爵從征雲南陣亡孫博柱任頭等侍衛從征厄魯特噶爾丹陣亡並祀昭忠祠勳格鑲白旗人岱圖庫哈理同族國初率衆來歸其曾孫烏巴海由佐領授騎都尉征瓦爾喀圓錦州屢著戰功又於潼關大敗流賊兵招服一府三州十二縣後駐防蘇州時連戰十一日敗賊二十三次叙功授一等輕車都尉任步軍統領副都統其孫希福襲職從征江西湖廣屢著戰功於新口地方陣亡追贈一雲騎尉祀昭忠祠達都鑲紅旗人任奉天將軍其姪孫都

敏由章京擊敗流寇又攻雲陽府督衆登城克之  
授騎都尉兼一雲騎尉後征貴州屢著戰功授二  
等輕車都尉任西安副都統其從姪塞爾圖任刑  
部尚書巴泰正白旗人任工部尚書尼雅漢鑲藍  
旗人任西安將軍薩克阿正黃旗人由護軍叅領  
從征準噶爾陣亡贈雲騎尉祀昭忠祠長綬正白  
旗人任江寧將軍羅屯正紅旗人世居安褚拉庫  
地方國初率八百戶來歸擢置五大臣之列其  
孫漢楚哈由騎都尉從征騰吉斯陣亡贈三等輕  
車都尉祀昭忠祠納林正黃旗人世居訥殷江地  
方天聰時率衆來歸編佐領使統之授騎都尉敗  
流賊二十萬衆加一雲騎尉其曾孫岱林布任江  
寧將軍額森格鑲黃  
旗人任杭州將軍

伊爾根覺羅氏

散處穆溪葉赫嘉穆呼興堪薩爾  
濟呼訥赫雅爾呼烏拉瓦爾喀松

花江阿庫里佛阿拉哈達汪泰訥殷江幹輝鄂謨  
等地方阿爾塔什正藍旗人世居穆溪地方國  
初率七村戶口來歸太祖高皇帝以宗室  
女妻之設佐領令其子阿山統馬阿山克遼東有  
功又收錫袋部落授三等男後攻義州永平府有  
功又取皮島時率舟師渡海克之又敗松山兵征  
大同克取二城又敗流賊二十萬衆加至三等公  
任都統阿爾塔什次于阿達海原係扎爾圖齊預  
十六大臣之列第三子濟爾海任都統孫奎察尚  
公主封為額駙曾孫方格由一等輕車都尉從征  
察哈爾布爾尼破賊有功授三等男任副都統元  
孫廷布為和碩額駙阿勒津阿爾塔什之姪由廢  
員圖錦州敗松山兵又追洪承疇兵斬副將都司  
各一員授三等輕車都尉征黑龍江勦取二村招  
服三村定鼎時敗流賊二十萬衆滅福王  
平定河南江南等處有功征四川屢敗張獻忠兵

授三等男加至一等子任都統諡端果延遜正藍  
旗人任內大臣巴雅爾圖正黃旗人世居葉赫地  
方圍初來歸授騎都尉取遼東奪橋有功授三  
等輕車都尉後攻寧遠城陣亡祀昭忠祠其子額  
色襲職平定淮安攻元永城縣授一等輕車都尉  
加三等男莽鵠立鑲黃旗人巴雅爾圖同族任都  
統署工部尚書諡勤敏糾渾住鑲黃旗人由驍騎  
校從征四川於朝天關等處屢著戰功後從征秦  
州陣亡贈騎都尉祀昭忠祠金泰正藍旗人任禮  
部尚書其次子哈瞻任禮部尚書第三子海達理  
由七品官從征浙江福建有功後於海澄縣陣亡  
贈雲騎尉祀昭忠祠棟克正白旗人由叅領從征  
廣東陣亡贈雲騎尉祀昭忠祠噶哈善哈恩瑚鑲  
白旗人世居嘉穆呼地方原係木處部長國初  
率屬來歸尚占河公主封為額駙從征諾密達有  
功後征馬爾屯山寨陣亡贈雲騎尉祀昭忠祠拉

薩理鑲黃旗人任禮部尚書科爾坤鑲黃旗人任  
戶部尚書珠瑚達正藍旗人世居興堪地方原係  
本處部長國初率衆來歸授備禦編佐領使統  
之其孫和理曾孫滿丕俱任都統四世孫蘇昌任  
浙閩總督諡懿勤喀凱正黃旗人世居薩爾濟地  
方由閒散從征廣寧有功授騎都尉攻克定興縣  
城擊敗松山兵又敗流賊二十萬衆授一等輕車  
都尉加二等男任通政司通政使兼佐領拉哈墨  
爾根正黃旗人喀凱同族任內大臣兼佐領格善  
鑲白旗人喀凱同族由佐領從征瓦爾喀及錦州  
有功後破流賊滅福王叙功授雲騎尉又征舟山  
有功加一雲騎尉後征福建擊海寇鄭成功陣亡  
贈二等輕車都尉祀昭忠祠噶蓋鑲紅旗人世居  
呼訥赫地方國初來歸授為扎爾固齊奉  
太祖高皇帝命同額爾德尼編輯國書其子  
武善任工部尚書其姪夸瞻任都統謨絡正紅旗



人任刑部尚書加武英殿大學士銜授為經畧  
征四川至陝西值王輔臣之亂兵變陣亡贈騎都  
尉兼一雲騎尉諡忠愍祀昭忠祠杭愛正白旗人  
謨絡同族任戶部尚書哈爾巴正白旗人世居雅  
爾呼地方由護軍校進騰吉斯擊敗碩羅汗兵從  
征江西攻克九江府城賜巴圖魯號授一  
等輕車都尉從征福建擊海寇鄭成功兵敗之後  
攻海澄縣陣亡贈一雲騎尉祀昭忠祠其親弟滿  
都襲職從征舟山叙功授三等男瑚巴克泰正白  
旗人世居烏拉地方由閒散破流賊滅福王平定  
江南河南等處屢著戰功又攻克松江府城  
賜巴圖魯號授騎都尉後征貴州回兵時擊敗  
海寇鄭成功兵十餘萬衆叙功授一等輕車都尉  
任寧古塔副都統扣樓正黃旗人任都統赫臣正  
黃旗人世居瓦爾喀地方國初率族衆來歸奉  
命往羅多羅和部落招降其衆時葉赫抗

命復奉 命往撫為業赫所拘不屈死天命

中葉赫既平 太祖高皇帝追憫赫臣前勲

令其子克福管佐領事克福從征錦州有功授三

等輕車都尉其孫凱音布襲職任戶部尚書議政

大臣其子喀爾吉善任浙閩總督加太子太保諡

莊恪祀賢良祠又赫臣四世孫定長任湖廣總督

伊桑阿正黃旗人赫臣同族任 文華殿大學士

兼禮部尚書諡文端祀賢良祠其孫福增額係和

碩額駙任廣州將軍顧八代鑲黃旗人世居松花

江地方任禮部尚書贈太傅諡文端祀賢良祠其

姪孫顧琮任漕運總督瑚世霸鑲紅旗人世居阿

庫里地方由二等輕車都尉從征厄魯特噶爾丹

有功授一等輕車都尉任都統其弟瑚世圖任都

統滿都鑲藍旗人瑚世霸同族任工部尚書其姪

孫鶴年任兩廣總督加太子太保諡文勤祀賢良

祠其子桂林任兩廣總督諡莊敏格伯庫正白旗

人世居扎庫木地方國初來歸由叢軍參領入  
山海關敗流賊二十萬衆授騎都尉後征四川擊  
張獻忠陣亡贈一雲騎尉其子威赫襲職從征舟  
山有功後征湖廣陣亡贈二等輕車都尉並祀昭  
忠祠舒祿鑲白旗人世居道開地方任都察院左  
都御史傅拉塔鑲黃旗人世居訥殷地方任兩江  
總督贈太子太保諡清端祀賢良祠尹達瑚齊正  
白旗人世居幹鄂譟地方天聰時來歸由廢員  
屢著軍功後攻遵化州陣亡贈騎都尉祀昭忠祠  
安珠琥正紅旗人世居索勒和必漢地方由三等  
輕車都尉從征大同及征貴州屢著軍功征四川  
於槐樹驛陣亡贈二等輕車都尉祀昭忠祠賽住  
正藍旗人世居額爾景地方由四品典儀從征浙  
江福建有功又敗逆賊耿精忠海賊鄭錦等於大  
溪潭及黑龍江等處後於海澄縣陣亡贈騎都尉  
祀昭忠祠布爾哈正黃旗人世居訥殷江地方由

雲騎尉從征準噶爾陣亡贈騎都尉祀昭忠祠  
達色鑲藍旗人世居呼爾哈地方由副護軍叅領  
從征準噶爾陣亡贈雲騎尉祀昭忠祠沙納哈正  
黃旗人世居賴布村地方由閒散圍大同首先登  
城克之又從征舟山有功賜巴圖魯號授  
騎都尉任都統薩哈岱正黃旗人任福州將軍德  
福正白旗人任刑部尚書諡勤肅三寶正紅  
旗人任東閣大學士兼兵部尚書諡文敬

舒舒覺羅氏

散處葉赫哈達伊爾哈來碧村訥殷  
江尼雅木尼雅庫城等地方圍魯什

鑲黃旗人世居葉赫地方國初來歸授騎都尉  
征大安口城克之擊敗滿桂等兵四萬餘衆征大  
凌河擊敗錦州兵明監軍道張春率兵來援八旗  
為所阻圍魯什獨率兩燾衝入大破之叙功授三  
等男擢前鋒統領後征大同陣亡贈三等子復進  
賜碩翁科洛巴圖魯號諡忠宣祀昭忠祠

其長子已世奉襲職任侍衛班領加封三等侯其子桑格承襲任內大臣管鑾儀衛事務費揚古圖魯什之弟由佐領授二等輕車都尉以牧馬勞績授三等男任內大臣刑部尚書加太子太保法都鑲藍旗人世居訥殷江地方國初率族衆來歸守呼蘭哈達時有賊來犯擊敗之從征哈達輝發業赫等處屢著勞績授佐領任城守尉其子介山任都察院左都御史征福建屢著戰功又恢復廣東二府一州二十一縣後留鎮漳州擢刑部尚書

### 西林覺羅氏

散處汪春尼瑪察寧古塔哈達長白山等地地方屯台鑲藍旗人世居汪秦

地方國初率族屬來歸太祖高皇帝甚愛重之以屯台女弟為己圖魯郡王禮敦妃以覺羅叔瓦爾喀女弟妻之設佐領使統馬長子圖們襲職從征大凌河首先破敵明監軍道張春率兵

數萬來援力戰陣亡給備禦世職祀昭忠祠曾孫  
鄂爾泰任雲貴總督授西北兩路總督保和  
殿大學士三等伯加太保諡文端配享  
廟其弟鄂爾奇任戶兵兩部尚書鄂爾泰長子鄂  
容安任兵部尚書征伊犁有功值阿睦爾撒納叛  
逆殉節贈襄勤伯諡剛烈次子鄂實由三等侍衛  
授前鋒統領在葉爾羌陣亡諡果壯並祀昭忠祠  
三子鄂弼任四川總督諡勤肅祀賢良祠四子鄂  
寧任雲貴總督雅爾納鑲白旗人世居尼瑪察地  
方國初率屬來歸授騎都尉以克達東功授二  
等輕車都尉加至三等男布顏正白旗人世居長  
白山地方國初同族衆來歸擢置五大臣之列  
凱音布布顏同族任兵部尚  
書都統兼步軍統領諡肅敏

通顏覺羅氏

世居雅爾呼地方茂海鑲藍旗人  
國初來歸授騎都尉時有賊兵來犯

耀州力戰敗之後圓錦州陣亡贈三等輕車都尉祀昭忠祠其子科爾昆襲職加至三等男

### 阿顏覺羅氏

散處葉赫額爾敏赫圖阿拉福齊希美佛赫費雅朗阿等地方輝蘭鑲藍

旗人世居葉赫烏蘇村地方由閒散從征大凌河擊敗明監軍道張春兵又征大同圓錦州有功後擊洪承疇三營兵陣亡贈騎都尉祀昭忠祠碩色正藍旗人世居瓦湖木地方天聰時來歸授佐領其子綽克托任刑部尚書巴什正白旗人世居赫圖阿拉地方由護軍校從征厄魯特噶爾丹陣亡贈雲騎尉祀昭忠祠

### 呼倫覺羅氏

散處黑龍江葉赫等地地方玉三保鑲紅旗人世居黑龍江地方由前鋒校

從征準噶爾陣亡贈

雲騎尉祀昭忠祠

阿哈覺羅氏

散處薩克蘇和羅佛阿拉哈達等地  
方阿爾達世鑲黃旗人世居薩克蘇

和羅地方來歸年分

無考任兵部侍郎

察喇覺羅氏

世居長白山地方

佟佳氏

散處瑪察雅爾呼加哈哈達佟佳等地方  
巴瑪理正白旗人世居瑪察地方國初

率五百戶來歸設佐領使統之預十扎爾固齊之  
列從征旅順口克之敗毛文龍兵於薩爾澗又攻

克蓮化州授二等輕車都尉擢禮部尚書兼都統  
議政大臣後征大同陣亡贈三等男諡壯敏祀昭

忠祠其子卓洛襲爵征山東擊敗太監馮永盛總  
兵侯世祿等兵又擊敗松山兵定鼎時敗

流賊二十萬衆叙功授一等男任副都統征湖廣  
敗賊一隻虎於荊州攻克寶慶府城授三等子擢



禮部尚書兼都統議政大臣征雲南攻取沅江府  
城晉封二等伯諡忠襄其孫舒敏襲爵任都統瑪  
哈達任都統元孫伊勒慎襲二等伯任都統領侍  
衛內大臣諡肅靖蒙阿圖巴篤理次弟授佐領預  
十六大臣之列任工部尚書達哈塔巴篤理之姪  
任吏部尚書雅西塔正白旗人已篤理同族國  
初率衆來歸設佐領使統之任叢軍統領其子穆  
福由叢軍參領攻前屯衛克其城又敗流賊二十  
萬衆授騎都尉加一雲騎尉征江西攻九江府屢  
著戰功取南昌府招服南豐縣攻克九江府城授  
一等輕車都尉任領侍衛內大臣加太子少傅諡  
襄壯海祿渾正白旗人已篤理同族由叢軍校從  
征浙江舟山擊敗阮思兵數萬餘衆於海上又擊  
敗張德洪等兵三萬餘衆授雲騎尉從福建擊  
海寇鄭成功陣亡贈騎都尉兼一雲騎尉祀昭忠  
祠羅多理正白旗人已篤理同族由防禦圍錦州

首先登城破流賊滅福王屢著戰功征福建攻延  
早府克其城後攻大同陣亡贈騎都尉祀昭忠祠  
拜正白旗人巴篤理同族國初來歸從征瓦爾  
喀力戰敗賊授雲騎尉任副都統緣事革職後由  
廢員從征大同陣亡贈騎都尉祀昭忠祠瓦爾漢  
正白旗人世居雅爾呼地方國初來歸授一等  
大臣居五大臣之列有賞約城長策穆特黑請內  
附扈爾漢奉命往遷其家口以三百兵破  
烏拉萬人征東海兀集部取赫席黑等處又征濟  
野路悉降所部以歸賜達爾漢侍衛號征  
扎庫塔克其城附近諸路盡招撫之征東海薩哈  
連部取河南北三十六寨復渡江取江北十一寨  
又招降諸路部長四十人後明兵四路來侵擊敗  
之盡殲劉綬兵又擊敗明遊擊喬一奇兵擒一奇  
叙功加三等子第四子準塔由佐領授騎都尉從  
征皮島克之擢授三等男賜巴圖魯號征

山東擊賊太監馮永盛總兵侯世祿等兵又敗流  
賊二十萬衆平定淮安屢著戰功授三等子征四  
川斬賊張獻忠又征遵義夔州等處叙功授一等  
子任都統謚襄毅其子阿拉密襲職任內大臣薩  
木什喀扈爾漢第三弟征董夔及旅順口有功又  
攻克皮岳授二等男任工部尚書雅賴扈爾漢第  
七弟從征烏拉擊敗蒙古兵征董夔及旅順口屢  
敗賊兵授騎都尉又破流賊滅福王平定河南江  
南等處有功授三等男加一等男兼一雲騎尉七  
十五尾爾漢姪孫任刑部尚書阿納海正紅旗人  
由騎都尉從征流寇追至九江府敗之征四川屢  
敗張獻忠何進等兵後圍大同陣亡贈三等男祀  
昭忠祠其弟巴漢襲職從征貴州回兵時擊敗海  
寇鄭成功征廣東廣西雲南等處屢著戰功授一  
等男總管爾正黃旗人由護軍校從征福建浙江  
及雲南均有功授雲騎尉後征厄魯特噶爾丹陣

亡贈騎都尉祀昭忠祠哈克山正藍旗人世居加  
哈地方由護軍統領授叅贊大臣征湖廣及察哈  
爾布爾尼屢敗賊衆授三等輕車都尉後攻永興  
陣亡贈一等輕車都尉兼一雲騎尉諡武毅祀昭  
忠祠瑚密色鑲黃旗人由佐領從征昌平通州等  
處屢敗賊兵又擊敗松山杏山兵定鼎時  
大破流賊於山海關外叙功授騎都尉兼一雲騎  
尉後從征浙江陣亡贈二等輕車都尉其弟哈爾  
漢由章京從征錦州敗松山兵又破流賊二十萬  
衆後駐守延安府擊賊陣亡贈騎都尉並祀昭忠  
祠希佛正藍旗人任刑部尚書佟養正鑲黃旗人  
世居佟佳地方國初率族衆來歸從征遼陽有  
功授三等輕車都尉尋奉命駐守朝鮮界  
之鎮江城時中軍陳良策叛投明將毛文龍執養  
正不屈死雍正中追贈一等公加贈太師諡忠烈  
祀昭忠祠其子佟圖賴襲職從征大凌河擊敗明

監軍道張春兵圍錦州取白官兒屯台又取金塔  
口三臺攻克塔山杏山二城授一等輕車都尉又  
取前屯衛中後所二城攻克太原招降全晉破流  
賊滅福王攻揚州嘉興等城皆克之擢授二等男  
尋授定南將軍恢復寶慶下全州加一等子任兵  
部尚書兼都統加太子太保諡勤襄係孝

康章皇后之父加封一等公加贈太師祀賢良祠  
長子佟國綱襲爵任內大臣兼都統康熙中察哈

爾布爾尼作亂奉命授為安北將軍率兵  
往鎮宣府後厄魯特噶爾丹蠢動命與其

弟國維參贊軍務至烏蘭布通地方進擊陣亡贈  
騎都尉兼一雲騎尉諡忠勇加贈太傅祀昭忠祠

其次子法海任兵部尚書三子夸岱任工部尚書  
孫補熙任綏遠城將軍諡溫僖納穆圖任領侍衛

內大臣兼都統佟國維佟圖賴次子任內大臣係  
孝懿仁皇后之父封一等公征厄魯特噶

爾丹至烏蘭布通地方其兄圖細戰沒圖維親冒  
矢石衝入賊陣遂敗其衆贈太傅諡端純其三子  
隆科多任吏部尚書孫順阿顏係和碩額駙任領  
侍衛內大臣佟養性佟養正之弟 圖初來歸  
太祖高皇帝以孫女降馬授三等男從征遼  
東有功加二等子其子六十襲職晉三等伯任都  
統諡勤惠其子佟國瑤襲爵任福建將軍諡忠愍  
又佟養性曾孫佟世功由佐領從征陝西於高長  
坡陣亡贈雲騎尉祀昭忠祠又佟養正姪孫佟國  
印由騎都尉圍錦州擊敗洪承疇兵又攻克塔山  
杏山二城加一雲騎尉後征山東回兵取邊臺七  
座擊牆子嶺兵敗之又充中後所前屯衛二城加  
至三等男任工部侍郎佟鎮國佟養正同族 國  
初來歸授三等輕車都尉因擒獲賫送廣寧偽書  
之人超授三等男席特庫佟養正同族由騎都尉  
從征大凌河寧遠慶安等處有功授三等輕車都

尉征山東敗牂子嶺兵圍錦州破洪承疇三營兵  
又擊敗流賊追至安肅縣斬獲甚衆又於絳州渡  
口大敗流寇追騰吉斯擊敗土謝圖汗及碩羅汗  
兵加至三等男任副都統蘭拜佟養正同族由閒  
散從征黑龍江有功授騎都尉圍錦州破洪承疇  
三營兵又敗流賊二十萬衆授三等輕車都尉後  
征湖廣屢著戰功加至二等男任吏部尚書兼都  
統加太子太保其姪倭赫任四川陝西總督佟山  
佟養正同族任兵部尚書其子屯岱由佐領圍錦  
州破洪承疇三營兵攻取塔山杏山二城授雲騎  
尉攻中後所前屯衛克其城又於延安府屢敗流  
賊征湖廣有功授三等輕車都尉任浙閩總督兵  
部尚書其子佟徽年任湖南提督又佟山之姪佟  
養甲任兩廣總督姪孫佟壯年任都統碩爾鑲藍  
旗人由騎都尉征雲南貴州等處屢著戰功授二  
等輕車都尉任都統托時正黃旗人任漕運總督

烏納哈賴正紅旗人世居長白山地方由叢軍參  
領團錦州大敗松山兵又敗流賊二十萬衆授騎  
都尉又破流賊滅福王平定河南江南等處屢著  
戰功後攻江陰縣陣亡贈三等輕車都尉祀昭忠  
祠邁圖正白旗人世居哈達地方由二等侍衛從  
征山東浙江福建等處均克獲有功授雲騎尉任  
副都統議政大臣後征厄魯特噶爾丹陣亡贈三  
等輕車都尉祀昭忠祠諡忠毅介福鑲黃旗人任  
禮部侍郎兼副都統加都統銜瑪爾秦正  
白旗人任將軍長生鑲藍旗人任都統

臣等謹按佟佳係地名以地為氏又考八旗氏族

通譜載達爾漢侍衛扈爾漢曾蒙

太祖高皇帝賜姓覺羅今做五朝氏族之例統歸總論



賜氏一門於本氏下概不重註又佟養正之祖因貿易  
遷寓關東其子姓遂以佟為氏與鄭志之省言一

類今並叙於佟佳氏而仍於總論附列之

那木都魯氏

散處那木都魯綏芬輝春長白山等  
地方康武理正白旗人世居那木都

魯地方原係本處部長 國初率族衆來歸尚公  
主封為額駙授三等子預十六大臣之列任戶部

尚書其子賴塔由廢員圖錦州敗松山杏山兵又  
征山東有功授前鋒侍衛破流賊滅福王平定河  
南江南等處屢著戰功征福建攻克汀州府城征  
廣東恢復三府二州十八縣授三等男尋授平南  
將軍征興化府連破二十六營平定辰州等十九  
處海寇授征南大將軍征雲南大破賊兵於石門

坎黃羊壩地方未叙功而卒追贈一等男加封一等褒績公諡襄毅祀賢良祠其弟喀克都理任都統其從孫海壽任刑部尚書蘇滿任都統達都正白旗人任都察院左都御史成根柱正白旗人由護軍參領從征準噶爾陣亡贈雲騎尉祀昭忠祠明安圖巴顏鑲紅旗人世居綏芬地方原係本處部長國初率衆來歸編二佐領令其子哈哈納與綽和納分統之哈哈納由副將從征烏拉及遼東有功又於昌平等處大敗敵衆擢置十六大臣之列綽和納授遊擊職預十六大臣之列從征遼東有功授三等輕車都尉後取大凌河擊明監軍道張春兵陣亡贈一等輕車都尉祀昭忠祠其子福喀禪襲職加至一等男授西安將軍征甘州克其城招撫河州涼州二郡征四川湖廣等處生擒賊首郝搖旗袁宗第叙功授三等子達理善正黃旗人明安圖巴顏同族由閒散從征山東攻克濟

南府城 賜已圖魯號投一等輕車都尉兼  
一雲騎尉圓錦州敗洪承疇三營兵征江西大破  
金聲桓七萬餘衆績征雲南於沅江府敗賊有功  
授三等男謚武毅阿爾修正黃旗人明安圖已顏  
同族由騎都尉從征山東攻濟南府有功加一雲  
騎尉後從征黑龍江陣亡贈三等輕車都尉祀昭  
忠祠其姪塔克圖由領催從征山東攻克濟南府  
城 賜已圖魯號授一等輕車都尉其子塔  
爾納襲職加至三等男法喇正白旗人任都統珠  
瑪喇正白旗人世居琿春地方由騎都尉從征額  
倫鑰色生庫勒額赫庫擒地方有功加一雲騎尉  
征山東攻諸城縣克之圍錦州敗松山兵又敗流  
賊二十萬衆加至一等男任副都統其姪能特任  
都察院左都御史喀喇鏤紅旗人由閒散從征冠  
縣首先登城陣亡贈騎都尉其孫凱泰襲職從征  
準噶爾陣亡贈一雲騎尉並祀昭忠祠喀爾圖正

白旗人世居長白山地方任刑部尚書  
其姪武達禪任都統議政大臣諡襄敏

臣等謹按那木都魯本金姓見金史以姓為氏

皇朝通志卷二

欽定四庫全書

皇朝通志卷三

氏族畧

三

滿洲八旗姓

納喇氏

散處葉赫烏拉哈達輝發張城費德里等地方金台石正黃旗人原係葉赫東城貝

勒

太祖高皇帝征服葉赫時授其子德爾

格爾為三等男其子鄂色襲爵任內大臣其弟武

丹任建威將軍征厄魯特噶爾丹陣亡贈雲騎尉祀昭忠祠又金台石曾孫穆占任征南將軍揆叙

任都察院左都御史諡文端揆芳係和碩額駙四世孫瞻岱任甘肅提督諡恭勤又金台石姪孫岱

穆由二等侍衛從征福建擊海寇於廈門陣亡贈  
雲騎尉祀昭忠祠布揚古正紅旗人金台石之姪  
原係葉赫西城貝勒太祖高皇帝征服葉  
赫時授其弟布爾杭武為三等男其子葛巴庫襲  
爵加一等男其弟珠孔額襲三等男任副都統  
政大臣其姪富拉塔任刑部尚書蘇納正白旗人  
金台石同族國初來歸尚公主封為額駙征葉  
赫及錦州察哈爾有功授護軍統領擢兵部尚書  
取大凌河及征錦州屢敗敵兵授三等輕車都尉  
征北京於雕窩城長安嶺昌平州等處敗敵五十  
六次征朝鮮擊敗寧邊城李元帥兵生擒李元帥  
後緣事削職尋復三等輕車都尉其子蘇克薩哈  
襲併為三等男征湖廣時擊敗劉文秀盧明臣等  
六萬餘衆降其副將等四十餘員晉二等子任領  
侍衛內大臣加太子太保順治中授為輔政大臣  
緣事獲罪 聖祖仁皇帝特恩賞還世職令

其子蘇常綬承襲又蘇納額駙之子孔固濟係多  
羅額駙孫扎克丹任領侍衛內大臣又蘇納額駙  
之弟巴達納係額駙揚吉努貝勒正白旗人金台  
石同族國初率衆來歸係孝慈高皇后  
之父其子阿什達爾漢任理藩院尚書以平定朝  
鮮功授三等男後緣事降為騎都尉其子席達理  
襲從征大凌河察哈爾屢敗敵兵征山東擊敗太  
監馮永盛兵授一等輕車都尉任理藩院侍郎贈  
太子少保諡僖敬伯爾赫圖正白旗人金台石同  
族國初來歸由前鋒叅領擊敗松山杏山兵又  
破流賊滅福王平定河南江南等處屢著軍功授  
一等輕車都尉征福建湖廣雲南有功又兩敗賊  
首一隻虎兵又入緬甸至阿窪城獲桂王叙功授  
一等男任前鋒統領緣事獲罪後察其寬給還世  
職諡忠勇其子伯爾肯襲職加至三等子伯爾肯  
之子博清額任都統又伯爾赫圖長子色赫由護

城克之	藍旗人	國初來歸	由護軍校	從征大同	攻保安
洪承疇	三營兵	授三等輕車都尉	後承襲伊父之		
諡敏壯	其子納海	內佐領	屢敗松山杏山兵	又敗	
東有功	又擊敗毛文龍	兵授三等男	加至二等子		
書喀山	鑲藍旗人	國初來歸	授騎都尉	從征遼	
多羅額駙	任都統	諡愨	僖其姪郭思海	任兵部尚	
額赫納	任都統	諾穆圖	正紅旗人	金台石同族	係
達正白旗	人任都統	拉瑪鑲藍旗	人任都統	其姪	
雅爾圖	正黃旗	人任理藩院	尚書議政大臣	瓦爾	
布鑲藍旗	人任都統	固山泰鑲藍旗	人任都統	瑚錫	
軍叅領	從征湖廣	陣亡	贈雲騎尉	祀昭忠祠	瑚錫



兵又破洪承疇三營兵加一雲騎尉任副都統其	叛人攻永平奮勇登城授騎都尉擊賊松山杏山	遠理正紅旗人國初來歸駐防牛莊追殺蒙古	子滿達理從征遼東陣亡贈騎都尉祀昭忠祠安	將軍博屯正黃旗人國初來歸授扎爾圖齊其	屢敗李定國兵數萬衆授一等輕車都尉任荊州	任都統其姪莽吉祿由二等輕車都尉從征廣東	茅麓山陣亡贈一等男祀昭忠祠楞柱正白旗人	騎尉其子科善索襲職加至二等男從征湖廣在	鼎時敗流賊二十萬衆授一等輕車都尉加一雲	擊敗松山杏山兵又敗洪承疇三營兵定	縣擊敗敵兵又攻深州博平縣俱克其城圍錦州	托鑲紅旗人由護軍校從征山東過北京於豐潤	敗賊張獻忠兵加至一等男任副都統諡襄壯和	又追流賊至安肅慶都等縣屢敗之從征四川擊	山東敗大監馮永盛兵圍錦州屢敗松山杏山兵
---------------------	---------------------	--------------------	---------------------	--------------------	---------------------	---------------------	---------------------	---------------------	---------------------	------------------	---------------------	---------------------	---------------------	---------------------	---------------------

子阿濟齊襲職入山海關擊敗流寇又克太原府  
征湖廣有功授一等輕車都尉任副都統額塞鑲  
白旗人國初來歸由閒散從征山東過北京攻  
吳橋縣克之授騎都尉兼一雲騎尉圍錦州擊敗  
松山兵平定淮安破流賊四萬餘衆征江西擊敗  
王得仁馬步兵七千餘衆叙功授二等輕車都尉任  
護軍叅領後征湖廣陣亡贈騎都尉祀昭忠祠鍾  
貴正藍旗人山通政使司叅議從征湖廣陣亡贈  
雲騎尉祀昭忠祠布瞻泰正白旗人原係烏拉貝  
勒太祖高皇帝以公主降焉其弟阿布泰  
尚和碩公主任都統其姪拜音泰柱曰頭等侍衛  
從征皮島陣亡贈雲騎尉祀昭忠祠又阿布泰之  
姪尼堪任理藩院侍郎授二等輕車都尉後破流  
賊滅福王屢著戰功追騰吉斯於圖拉河地方兩  
敗賊兵又擊敗土謝圖汗兵叙功授三等男加至  
二等子諡勤慈其弟阿穆爾圖襲三等輕車都尉

從征廣東擊敗李定國兵數萬餘衆征雲南貴州  
屢敗賊兵授二等輕車都尉任奉天將軍諡襄壯  
其姪瑪拉任工部尚書安西將軍諡敏恪又布瞻  
泰從弟羅薩鑲紅旗人由騎都尉從征錦州陣亡  
贈三等輕車都尉其姪秉圖由護軍叅領從征皮  
島陣亡贈騎都尉並祀昭忠祠又布瞻泰從弟禪  
布鑲白旗人係多羅額駙其弟章泰由閒散從征  
山東過北京梯攻獻縣首先登城克之授雲騎尉  
創發身故其孫色思特由護軍校從征厄魯特噶  
爾丹陣亡並祀昭忠祠其子查郎阿任吏部尚書  
署川陝總督尋署寧遠大將軍率兵征討準噶爾  
有功授文華殿大學士兼兵部尚書加太子太  
保議政大臣又布瞻泰從姪穆丹鑲白旗人任戶  
部尚書其姪清保正白旗人任都統孟庫魯鑲紅  
旗人由副都統征山東攻慶都縣克其城出邊之  
日擊敗高太監等兵後圍錦州陣亡贈騎都尉祀

昭忠祠其子拜音達襲職擊賊流賊有功加一雲  
騎尉又平定江南河南屢著戰功征福建攻克汀  
州府加授二等輕車都尉任禮部侍郎副都統其  
從弟拜音布由七品官從征察哈爾布爾尼及厄  
魯特噶爾丹屢著戰功授騎都尉任荊州將軍班  
第正白旗人由護軍叅領從征厄魯特噶爾丹有  
功授雲騎尉任都統其孫興德襲職係和碩額駙  
又班第之弟阿爾那由七品官從征浙江福建有  
功授雲騎尉任都統費揚古正黃旗人由三等侍  
衛從征朝鮮及大凌河錦州俱著軍功追騰吉斯  
擊賊土謝圖汗及碩羅汗等兵又征鄂爾多斯及  
察哈爾大同等處屢著勞績陞授正一品步軍統  
領內大臣係孝敬憲皇后之父追封一等  
公其子五格襲一等公任散秩大臣孫雅親任都  
統三赫鑲白旗人任內大臣工部侍郎諡恪慎珠  
魯訥鑲白旗人任副都統授叅贊征緬甸陣亡祀

昭忠祠希佛訥鑲藍旗人任戶部尚書喀喇正白  
旗人國初來歸奉命編輯國書

賜巴克什號授騎都尉烏爾瑚達鑲黃旗人世居  
哈達地方國初率部屬來歸太祖高皇

帝以公主降焉又以郡主妻其子額森德禮烏爾  
瑚達姪孫盛安任都統刑部侍郎瑪緝鑲白旗人

任都統鎮安將軍其姪常齊由刑部侍郎授鎮安  
將軍征準噶爾有功授副將軍內大臣噶達渾正

紅旗人由護軍叅領從征錦州屢敗松山兵入山  
海關敗流賊二十萬衆又敗流賊於綏德州延安

府等處征四川屢敗張獻忠兵授三等男圍大同  
擊敗楊進位兵攻渾源州克其城加二等男任兵

部尚書兼都統贈太子太保諡敏壯其子噶爾漢  
襲職任荊州將軍其姪孫象泰任內大臣荊州將

軍滿達爾漢正黃旗人由廢員從征大同攻王家  
莊克之授二等輕車都尉任禮部尚書諡敬敏其

第十子阿哈丹襲職尋以頭等侍衛從征福建陣亡贈三等男祀昭忠祠滿達爾漢第四子鄂謨克托任內大臣授二等男其孫班岱襲職從征厄魯特噶爾丹有功授一等男任副都統滿達爾漢第五子多謨克托任都統內大臣征逆將軍第七子鄂納任都統內大臣征兩將軍又滿達爾漢之孫鄂克濟哈任振武將軍議政大臣又滿達爾漢之姪常雲任都統又滿達爾漢之弟瑪福塔任戶部尚書其子瑪希納任吏部尚書孫蘇爾法任都統尼堪鑲黃旗人由閒散從征山東有功授雲騎尉加至一等男任理藩院侍郎奇徹伯正藍旗人任禮部尚書通貴鑲紅旗人世居輝發地方國初率族衆來歸授騎都尉編佐領使統之其弟康喀拉授騎都尉入山海關擊敗流賊二十萬衆攻通州城克之又招撫三縣叙功授三等輕車都尉任刑部侍郎副都統其姪孫佟嘉由三等輕車都尉

從征山東及察哈爾布爾尼屢著戰功授二等輕  
車都尉任都統其從弟禮固由驍騎校從征浙江  
舟山負創奪船有功授雲騎尉尋署護軍統領征  
陝西屢敗王輔臣兵後征湖廣擊吳國貴陣亡贈  
騎都尉祀昭忠祠烏達禮正藍旗人任吏部尚書  
其姪蘇格係和碩額駙伊爾圖由護軍參領從征  
福建陣亡贈雲騎都尉哈爾弼由頭等獲衛從征福  
建陣亡贈雲騎尉並祀昭忠祠又烏達禮之叔瑚  
寶由開散從征旅順口及朝鮮俱有功後征皮島  
陣亡贈騎都尉祀昭忠祠其子瑚扎祿襲職擊賊  
松山砦山兵又平定江南河南屢著戰功加一等  
輕車都尉任副都統其子孟保從征湖廣陣亡贈  
雲騎尉祀昭忠祠又烏達禮從弟雅賴任副都統  
征江西屢敗黃浩兵後在新口費園地方陣亡贈  
騎都尉諡襄壯祀昭忠祠其弟揚岱任都統科爾  
湖岱鑲黃旗人任兵部尚書碩色烏巴什正藍旗

人 國初來歸奉

命招降察哈爾國拘繫

三年不屈潛謀遁歸

太祖高皇帝嘉悅給

戶口牛馬膳養之又奉

敕招諭巴克貝勒

有昂阿貝勒者以兵三百邀諸路挺身前進大敗

之 太祖賞賚甚優授騎都尉任

寢總管恩格德正藍旗人任禮部尚書其子納敏

任都統額爾德赫鑲紅旗人任鎮海將軍其子噶

爾弼任奉天將軍巴奇蘭鑲紅旗人世居伊巴丹

地方 國初率族眾來歸授三等輕車都尉攻沙

嶺城領彝先入征寧遠擊收覺華島兵又征旅順

口克其城叙功授三等男後以征黑龍江功擢置

十六大臣之列贈三等子其子拜山襲職加至一

等子任議政大臣魯錫鑲黃旗人世居張城地方

由閒散從征山東攻克克州府城 賜巴圖

魯號授三等輕車都尉又敗流賊二十萬眾加至

三等男後於延安府敗賊首一隻虎兵并俘獲李



自成妻子征四川擊賊張獻忠兵征貴州敗羅  
大順兵三萬餘衆授副都統征湖廣在洞庭湖擊  
賊陣亡贈一等男兼一雲騎尉祀昭忠祠其子布  
納海襲職從征厄魯特噶爾丹有功授三等子齊  
蘇勒正白旗人任河道總督加太子太傅謚恪  
祀賢良祠能圖正紅旗人任刑部尚書其姪孫朗  
圖任都統瑚什塔鑲黃旗人由護軍叅領從征四  
川有功後至秦州陣亡贈三等輕車都尉其姪孫  
七十六由護軍校從征準噶爾陣亡贈雲騎尉並  
祀昭忠祠塔拜鑲紅旗人任杭州將軍敦賽正黃  
旗人任內大臣授二等男謚勤儉那延泰正白旗  
人任青州將軍額爾克圖鑲黃旗人世居費德里  
地方由刑部啓心郎授騎都尉加至三等男從孫  
鄂善任川陝總督額爾景額鑲黃旗人任護軍統  
領都統叅贊大臣征雲南陣亡祀昭忠祠謚勤毅  
烏爾納正黃旗人任延綏鎮總兵征金川陣亡祀

昭忠祠

臣等謹按納喇為金時著姓具見金史嗣後他族如葉赫之金台石烏拉之達爾漢輝發之通貴三支子姓百餘年來日加繁衍幾居納喇氏之半又高麗那氏蒙

恩賜姓納喇是一氏而四分其族與遼金之納喇氏同而實異又考蒙古納喇氏世居阿巴噶及科爾沁等地方

富察氏

散處沙濟葉赫額宜湖扎庫塔賽音訥  
額赫庫倫訥殷江輝發吉林烏拉長白山

等地方旺吉努鑲黃旗人世居沙濟地方國初

率族衆來歸編佐領使統之其長孫哈錫屯任內

大臣加太子太保封一等公諡恪僖其子密思翰

任戶部尚書議政大臣諡敏果並祀賢良祠密思

翰長子馬思喀任內大臣昭武將軍諡襄貞密思

翰次子馬齊任保和殿大學士兼戶部尚書封

二等伯贈太傅諡文穆祀賢良祠密思翰第三子

馬武任領侍衛內大臣諡勤恪其子保祝任古北

口提督諡恭簡密思翰第四子李榮保承襲一等

男係孝賢皇后之父追封一等公諡莊愨其

子傅清任都統徇節西藏贈一等伯諡襄烈祀雙

忠祠傅恒任保和殿大學士兼吏部尚書一等

忠勇公加太保諡文忠祀賢良祠孫明瑞任兵部

尚書內大臣授雲貴總督征緬甸陣亡贈一等誠

嘉毅勇公諡果烈祀旌勇祠福靈安係多羅額駙  
任副都統署雲南永北鎮總兵官福隆安尚公主

襲一等忠勇公任兵部尚書諡勤恪又密思翰從  
孫託庸任吏部尚書太子太保諡誠毅尼滿鑲黃

旗人旺吉努同族任刑部尚書本科理正黃旗人  
旺吉努同族國初來歸時有珠舍哩十三部長

尤楞額等梗化不服奉命往勸克服其衆  
賜蘇赫巴圖魯號編佐領使統馬其子敦

拜授騎都尉圍錦州敗松山杏山兵定鼎  
時敗流賊二十萬衆又平定河南江南等處屢著

戰功授一等輕車都尉征江西擊敗金聲桓等七  
萬餘衆恢復一府四縣授三等男征廣東廣西屢

敗李定國兵恢復廣東三府三州十八縣廣西二  
州四縣授一等子任奉天將軍加太子太保諡襄

壯其弟濟錫哈由佐領征博穆博果爾及錦州有  
功又破流賊二十萬衆授三等輕車都尉征浙江

屢敗方國安等加至一等男任刑部尚書兼都統  
諡勇壯其弟費雅思哈由護軍叅領征山東有功  
又破流賊二十萬衆征四川賊張獻忠兵又從  
征大同擊敗楊進位兵征雲南入緬甸至阿窪城  
獲桂王叙功授三等男任議政大臣護軍統領諡  
僖恪其孫蘇圖襲二等輕車都尉授寧夏副都統  
征準噶爾陣亡贈騎都尉兼一雲騎尉併為三等  
男祀昭忠祠又費雅思哈之子蘇丹因征勦逆寇  
羅卜藏丹津有功授三等輕車都尉任西安將軍  
議政大臣又本科理曾孫貝和諾任雲貴總督禮  
部尚書元孫馬臘任工部尚書兼都統新柱鑲黃  
旗人任盛京將軍諡勤肅廣成鑲黃旗人任都  
統諡溫勤阿哈尼堪鑲黃旗人世居葉赫地方由  
佐領從征黑龍江及錦州有功又敗流賊二十萬  
衆平定河南江南等處累著勞績追騰吉斯擊敗  
土謝圖汗及碩羅汗等兵叙功授一等輕車都尉

加至一等男任禮部尚書其子丹巴襲職加授三等子布丹正紅旗人國初來歸由閒散從征大同攻左衛首先登城克之授雲騎尉又敗松山杏山兵入山海關敗流賊二十萬衆加一等輕車都尉任副都統其子丹岱襲職加授三等子莽義祿正白旗人由騎都尉從征廣東擊敗李定國兵授一等輕車都尉任荊州將軍阿爾都山鑲白旗人世俗額宜湖地方國初時率族衆攻取薩齊庫城斬其部長喀穆蘇尼堪招撫三百餘人來歸編伍領令其長子哈寧阿統馬後征北京擊敗袁崇煥兵圍錦州敗松山兵征黑龍江擒獲甚衆又敗流賊二十萬衆授三等輕車都尉又於綏德州等處屢敗流寇征四川敗賊張獻忠兵授一等輕車都尉任護軍統領其子蘇瓦顏襲職加至二等男其姪伊勒慎任都統又阿爾都山曾孫噶布拉由護軍參領授騎都尉從征山西擊敗姜揚順兵二萬

餘衆征鄂爾多斯擊多爾濟席圖穆等大破之征  
福建擊敗海寇鄭成功兵於廈門後於蓋峙山陣  
亡贈三等輕車都尉祀昭忠祠薩穆哈鑲白旗人  
阿爾都山同族任禮部尚書拉珠鑲白旗人世居  
扎庫塔地方由一等輕車都尉從征福建擊敗海  
寇鄭成功於廈門征湖廣屢敗李來亨兵叙功授  
三等男達佳鑲紅旗人世居蜚悠城地方任江寧  
將軍孟古慎郭和鑲白旗人世居訥殷地方國  
初同弟莽吉圖率族衆來歸授佐領其孫郭布任  
都統佟濟由前鋒叅領從征福建擊敗海寇鄭成  
功得偽印一顆後於蓋峙山陣亡贈騎都尉祀昭  
忠祠孟古慎郭和曾孫圖什錫希爾根俱任都統  
福敏任武英殿大學士兼工部尚書翰林院掌  
院學士加大保諡文端祀賢良祠莽吉圖之孫額  
色赫任保和殿大學士加少師諡文恪祀賢良  
祠曾孫塞色赫任兵部尚書元孫福齡任兵部尚

書兼都統碩占正紅旗人國初來歸由騎都尉  
從征朝鮮攻克岡華島征山東攻禹城隆平兩縣  
俱克其城授三等輕車都尉後破流賊滅福王平  
定河南江南等處屢著軍功加至一等男任戶部  
侍郎副都統其孫達色襲二等輕車都尉從征福  
建擊敗吳肅等於浦塘後於海澄縣擊劉國軒陣  
亡贈一雲騎尉祀昭忠祠其弟發色襲職併為一  
等男其子明保襲職定臧有功授為三等子雅喇  
正白旗人由護軍叅領入山海關敗流賊二十萬  
衆又平定河南江西等處屢著戰功授一等輕車  
都尉又追騰吉斯擊敗土謝圖汗兵授三等男鄂  
克遜襲黃旗人授騎都尉時值逆藩吳三桂密遣  
偽將黃吉等潛寓都城鼓樓西街以舉火為號將  
謀不軌鄂克遜因火熾往救見有賊兵遂馳告兵  
部尚書明珠都統拉哈達等率兵圍其屋鄂克遜  
以短甲護身奮勇衝入手刃三十九人生擒賊將



黃吉餘黨悉平後隨征吳逆屢著戰功授三等輕  
車都尉任江寧將軍諡武襄赫錫亨鑲黃旗人  
國初來歸由驍騎校從征浙江擊敗馬九裕等績  
征福建敗海賊鄭錦等兵三萬餘衆後擊趙得勝  
陣亡贈雲騎尉祀昭忠祠錫哈納鑲白旗人任  
文淵閣大學士兼禮部尚書哈三鑲紅旗人任刑  
部尚書具子富明安任湖廣總督贈太子太保諡  
恭恪尼雅哈鑲白旗人任都統福祿正白旗人任  
領侍衛內大臣西安將軍噶爾圖鑲白旗人世居  
訥殷江地方任都察院左都御史阿蘭泰鑲藍旗  
人世居賽音訥殷地方任武英殿大學士兼吏  
部尚書加少保諡文清其姪富寧安由都統授靖  
逆將軍征準噶爾有功封一等侯任武英殿大  
學士兼吏部尚書贈太子太傅諡文恭並祀賢良  
祠鄂備鑲紅旗人世居輝發地方天聰時來歸由  
佐領擊敗流賊二十萬衆授雲騎尉平定江南河

南屢著戰功攻南安縣克其城又擊敗李定國等  
兵四萬餘衆恢復廣東三府三州十八縣廣西二  
州四縣叙功加至一等輕車都尉任副都統其長  
子阿爾琥由副都統征湖廣陣亡贈三等輕車都  
尉諡敏壯阿爾琥之叔墨勒由佐領從征四川屢  
敗石存禮等後于秦州擊王屏藩陣亡贈騎都尉  
並祀昭忠祠薩普蘇鑲黃旗人世居岳克通鄂城  
地方任黑龍江將軍其姪常德任寧古塔將軍塞  
爾圖鑲紅旗人  
任青州將軍

完顏氏

散處完顏訥圖等地方葉臣鑲紅旗人世  
居完顏地方國初來歸由間散征遼東

有功授三等輕車都尉又攻克永平府城又征皮  
島克之斬其守島總兵沈世魁叙功授一等子任  
都統其子車爾布襲職入山海關敗流賊二十萬  
衆征陝西又連敗流寇加至三等伯後征浙江舟

山擊敗毛光祚兵斬王長樹及阮思等十六人  
擒林德等一百餘人恢復舟山晉一等伯任都統  
其子莽叅襲三等伯任都統又葉臣之孫車訥福  
任都統博爾晉鑲紅旗人葉臣同族國初率屬  
來歸授佐領從征扎魯特昂阿貝勒以三十人大  
敗之降其衆征東海呼爾哈降其五百戶而歸擢  
置十扎爾固齊之列授都統又招降蒙古瓦爾喀  
衆部落授一等男諡忠直其子特晉由騎都尉圓  
松山敗洪承疇兵又敗流賊二十萬衆授三等輕  
車都尉征四川擊賊張獻忠等兵屢敗之又恢復  
湖廣一府三州十縣三衛招降貴州九府五州十  
四縣十一衛叙功加至二等男任都統諡襄壯又  
博爾晉元孫旺常任綏遠城建威將軍噶爾璽任天  
津都統查弼納正黃旗人葉臣同族任兵部尚書  
授為副將軍征準噶爾陣亡贈騎都尉兼一雲騎  
尉祀昭忠祠完顏偉鑲黃旗人葉臣同族任河東

河道總督西喇巴鑲紅旗人國初率部屬來歸  
預五大臣之列隨太祖高皇帝征傅爾佳

齊有哈達西特庫射叔貝勒西喇巴以身當之中  
傷而段贈三等輕車都尉追諡順壯祀昭忠祠其

子瑪拉希襲職擊賊流賊二十萬衆又平定河南  
江南屢著戰功攻克崑山常熟二縣叙功授三等

子任都統格什圖鑲紅旗人由騎都尉從征浙江  
舟山有功授一等輕車都尉後承襲伊叔雅量阿

三等輕車都尉併為一等男從征浙江在溫州府  
陣亡贈一雲騎尉祀昭忠祠鄂特渾鑲藍旗人任

都統議政大臣北山正白旗人世居訥圖地方由  
一等輕車都尉從征厄魯特噶爾丹有功授三等

男征湖廣收洪富等兵圍秦州收四川平涼援兵  
進兵雲南胡國棟等率兵拒戰大破之叙功授二

等男任都統杭奕祿鑲紅旗人世居拉哈地方任  
都察院左都御史瑚錫鑲紅旗人杭奕祿同族由

獲軍校從征山東擊蔣金剛等屢敗之征江西連  
敗李茂著等兵數萬餘衆後攻長沙府陣亡贈騎  
都尉祀昭忠祠无爾喀鑲紅旗人任西安將軍  
諡襄敏博第蒙古正藍旗人任黑龍江將軍

臣等謹按納喇富察完顏皆部名蓋以部為氏者  
而完顏為金國姓納喇乃遼舊部考八旗氏族通  
譜滿洲蒙古姓內納喇完顏兩見是金後入元編  
於蒙古非有二氏也今併載於滿洲姓內又考蒙  
古完顏氏世居喀喇沁地方

叩德氏

世居葉赫地方武訥赫正白旗人國初  
來歸授佐領以從征烏拉功授三等男又

攻寧遠遵化州大安口皆克之晉三等公任都統  
其子廣泰襲職任都統緣事降為一等男令其兄  
齊墨克圖承襲從征寧遠黑龍江等處屢收賊兵  
又破流賊二十萬衆加一騎都尉授為三等子任

副都統

烏雅氏

散處哈達德爾吉穆湖等地方額布根正  
黃旗人世居哈達地方國初來歸其長

子額森任內大臣從征朝鮮有功授男爵諡恪慎  
其長子威武任護軍叅領係孝恭仁皇后

之父雍正中三代俱追封一等公又額布根從孫  
佛表任都統海望任戶部尚書內大臣加太子少

保諡恪勤官保任吏部尚書協辦大學士諡文勤  
兆惠任戶部尚書協辦大學士太子太保授定邊

將軍一等武毅謀勇公諡文襄祀賢良祠開泰任  
川陝總督又額布根從姪薩木哈任工部尚書碩

色任湖廣總督諡恭勤瑚仲布祿正藍旗人國  
初來歸由開散攻遵化州克之又擊收流賊二十  
萬衆授二等輕車都尉後追騰吉斯擊土謝圖汗  
及碩羅汗等兵敗之征浙江舟山敗阮思等兵三  
萬餘衆加一雲騎尉駐防江寧時擊海寇鄭成功  
陣亡贈三等男其子愛音察襲職從征吳逆陣亡  
贈二等男並  
祀昭忠祠

### 戴佳氏

散處杭佳葉赫等地方穆克譚鑲藍旗人  
世居杭佳地方國初率衆來歸以軍功

授三等男擢置十六大臣之列後征大凌河陣亡  
贈一等男追諡忠勇祀昭忠祠其子愛音塔木襲  
職征流賊滅福王平定河南江南及征湖廣廣東  
等處屢立戰功授一等子兼一雲騎尉其子公圖  
襲職從征厄魯特噶爾丹有功授三等伯海青襲  
黃旗人穆克譚同族任副都統加太子太保贈一

品大臣諡果毅其長子來文任鎮江將軍次子佛倫任領侍衛內大臣五子戴鶴由副都統征準噶爾陣亡贈雲騎尉祀昭忠祠又海青之弟道禪由長史奉命出使噶爾丹以不屈被害贈雲騎尉祀昭忠祠其子那蘇圖襲職任浙閩總督加太子太傅諡愨勤祀賢良祠

### 烏扎喇氏

散處烏拉薩哈爾察黑龍江呼爾瓜爾佳等地方鄂謨克圖正白旗人世居

烏拉地方由前鋒侍衛平定河南江南等處屢著軍績授三等輕車都尉任盛京副都統諡勤壯中吉達鑲黃旗人世居薩哈爾察地方由一等輕車都尉從征江西敗金聲桓等兵追勦廣東大破李定國等兵授二等男任副都統其子達爾占襲職征廣東廣西雲南等處屢立軍功授一等男任荊州將軍又中吉達之弟和約爾圖任都統額楚鑲黃旗人由閒散從征陝西攻克西平縣授雲騎



尉後征貴州回兵時遇海寇鄭成功來犯江寧屢  
敗其衆授二等輕車都尉任江寧將軍多羅岱銀  
白旗人世居黑龍江地方由開散從征霸州首先  
登城陣亡贈騎都尉其姪薩賴襲職從征湖南屢  
敗孫可望等兵又戰於洞庭湖陣亡卅一等輕車  
都尉並祀昭忠祠齊克納正藍旗人由騎都尉從  
征湖廣山東等處屢敗賊兵後從征湖南陣亡贈  
一等輕車都尉其姪孫觀音保由騎都尉從征準  
噶爾陣亡贈雲騎尉並祀昭忠祠博卓羅正藍旗  
人由開散從征大同取渾源州有功授雲騎尉征  
雲南貴州擊李定國等破之進勦四川在秦州陣  
亡贈三等輕車都尉祀昭忠祠色勒布正紅旗人  
世居呼爾哈地方由騎都尉征流寇滅福王平定  
河南江南屢立戰功後攻漳陰縣陣亡贈三等輕  
車都尉祀昭忠祠其子額色襲職從征湖南敗孫  
可望兵進勦四川屢敗石存禮王屏藩等馬步兵

授二等男妻正額正黃旗人  
世居瓦丹地方任內大臣

臣等謹按烏扎喇氏考八旗氏族通譜滿洲蒙古  
兩見今併列於滿洲姓內又考蒙古烏扎喇氏世

居察哈爾地方

兆佳氏

散處瑚普察額爾敏訥殷江烏拉等地方  
莽依圖鑲白旗人世居瑚普察地方任鎮

南將軍諡襄壯記賢良祠殷特布正紅旗人莽依  
圖同族任禮部尚書瑪爾漢正白旗人世居額爾

敏地方任吏部尚書議政大臣贈太子太傅諡恭  
勤祀賢良祠其姪塞爾弼任都統威拉正藍旗人  
任都統德成鑲紅旗人任都統達珠瑚正藍旗人  
世居訥殷江地方國初來歸以軍功授三等男

諡襄敏子翁阿岱襲職圍錦州陣亡贈一等男祀昭忠祠達珠瑚姪孫蘇赫任吏部尚書

臣等謹按兆佳係地名以地為氏

郭囉羅氏

散處沾河白河訥殷等地方福拉克塔鑲白旗人世居沾河地方任都統入山

海關擊收流賊二十萬衆征福建攻處州府克其城又於南昌府獲賊糧二百餘船贈一等輕車都

尉揚舒正藍旗人福拉克塔之叔太祖高

皇帝以女弟降馬封為和碩額駙預四大臣之列

其子達爾漢尚公主為和碩額駙任都統預五大臣之列又揚舒之孫鄂羅色臣以軍功授二等子

任都統諡果敏其子鄂特渾任都統格思特鑲黃旗人福拉克塔同族任川陝總督

臣等謹按郭囉羅係地名以地為氏

顏扎氏

散處雅蘭西楞葉赫長白山等地方喀爾  
吉善正黃旗人世居雅蘭西楞地方任內

大臣其姪南岱由藍翎侍衛從征準噶爾陣亡贈  
雲騎尉祀昭忠祠安達理正黃旗人世居葉赫地

方國初來歸授騎都尉贈三等男諡忠介其子  
賴圖襲職以敗流寇功加至一等子任內大臣

彌魯氏

散處葉赫松花江烏拉等地方珠瑪拉鑲  
白旗人世居葉赫地方國初來歸曰廢

員從征錦州攻破廣寧山寨又敗流賊二十萬衆  
攻克昌黎縣及旅順口授騎都尉擢兵部侍郎奉

兵駐防杭州敗方國安等征福建江西屢敗賊寇  
招降一府五縣叙功加三等男任都統授為靖南

將軍征廣東大敗李定國兵七萬餘衆恢復三府  
三州十八縣授三等子諡襄敏其孫果色由護軍

統領從征湖廣陣亡  
贈雲騎尉祀昭忠祠

李佳氏

散處扎庫木李佳和羅德爾吉色欽等地  
方覺善正紅旗人世居扎庫木地方由佐

領從征葉赫遼東大凌河屢著戰功授三等輕車  
都尉加至三等男征山東擒斬賊渠掃地王於恩

縣屢敗流寇一隻虎於荆州迎兵江西討金聲桓  
王得仁引兵來薄我營擊敗之繼抵信豐縣攻克

其城 賜巴圖魯號加三等子任都察院左

都御史其姪吉滿塔布任兵部尚書兼都統達珠

瑚鑲紅旗人世居李佳和羅地方 國初率李佳  
等七村人來歸授副將征瓦爾喀卦勒察有功預

十六大  
臣之列

黃佳氏

散處貝輝山泰等地方永福正黃旗人世  
居貝輝山泰地方任內大臣蓋桑阿鑲白

旗人由七品官從征江西湖廣屢著戰功後征廣  
東陣亡贈雷騎尉祀昭忠祠抗愛鑲白旗人任四

川巡撫諡勤襄海明正藍  
旗人任湖廣總督諡勤恪

臣等謹按李佳黃佳二氏考八旗氏族通譜滿洲

蒙古兩見今併列於滿洲姓內又考蒙古李佳氏

世居扎嚕特及土默特地方蒙古黃佳氏世居大

凌河地方

烏扎庫氏

散處噶哈里綏芬等地方洪尼雅喀鑲  
紅旗人世居噶哈里地方國初率族

衆來歸授騎都尉征明有功授二等輕車都尉任  
工部尚書議政大臣其子武拉禪襲職擊賊流賊  
二十萬衆又征浙江舟山敗陳御陸阮思等三萬  
餘衆授一等男任刑部侍郎議政大臣又洪尼雅

喀次第薩蘇喀由開散從征廣寧大凌河寧遠大  
同等處屢立戰功又擊敗流賊二十萬衆叙功授  
三等輕車都尉任禮部侍郎議政大臣其子墨齊  
納襲職任江寧將軍又洪尼雅喀之曾孫烏赫圖  
任涼州將軍多爾濟正白旗人世居綏芬地方由  
間散攻遵化州克之授雲騎尉從征大同陣亡贈  
騎都尉祀  
昭忠祠

### 錫克特哩氏

散處卦勒察松花江等地方伊納克  
正黃旗人世居卦勒察地方國初

來歸授雲騎尉其子渾襲職圍錦州敗洪承疇兵  
又松山兵闖我營壘渾獨當營門力戰被傷不退

喀尼由頭等侍衛從征江西湖廣屢著軍績後在  
賜巴圖魯號授一等男又伊納克之孫阿

騾子山擊賊陣亡贈騎都尉祀昭忠祠黨阿賴鑲  
紅旗人世居卦勒察地方任都察院左都御史噶

兩都正黃旗人世居松花江地方由一等輕車都尉從征湖廣陣亡贈三等男祀昭忠祠

庫雅拉氏

散處興堪村等地方克徹尼正白旗人世居興堪村地方國初來歸從征灰

地方收獲三百餘戶又因三村戶口梗化攻服之授騎都尉又招撫額赫庫掄及阿庫里尼滿等處又以追獲阿達海功授一等輕車都尉其子額克任訥襲職征山東路經密雲縣明兵戰擊敗之又攻克新城縣叙功加至一等男又克徹尼之孫佛衣保由佐領從征福建擊敗海寇鄭成功兵後征陝西陣亡贈雲騎尉祀昭忠祠

薩克達氏

散處薩克達寧古塔那木都魯德里佳赫哈達葉赫烏拉赫圖阿拉黑龍江等

地方舒賽鑲藍旗人世居薩克達地方國初率族衆來歸編佐領使統之從征商顏哈達及瓦爾



尉祀昭忠祠安祿布正白旗人世居赫圖河拉地 方任刑部尚書塔爾瑪善正白旗人世居黑龍江	賊耿精忠駕船來犯堅志不屈力戰陣亡贈雲騎 人世居德里倭赫地方任副將鎮守樂清縣城逆	征陝西陣亡贈三等男祀昭忠祠蘇穆岱正藍旗 統征雲南貴州等處敗李定國等兵數萬餘衆後	二等輕車都尉任都統其子科爾昆襲職任副都 方任都統其子希佛由雲騎尉從征四川有功授	旗人任都統葉古德鑲紅旗人世居那木都魯地 從征準噶爾陣亡贈雲騎尉祀昭忠祠阿岱鑲黃	任護軍統領加太子少保其姪常齡由護軍參領 加授一等男察哈泰鑲紅旗人世居寧古塔地方	延安府等處擊賊有功授二等男其子桑格襲職 庫襲職入山海關敗流賊二十萬衆又於大原府	喀什履著軍績又攻克瓦爾喀什附近等處叙功 授三等男擢置十六大臣之列諡壯敏其孫西特
--	--	--	--	--	--	--	--

地方任都統哈喇正黃旗人授二等輕車都尉諡恭襄伊柱正白旗人征準噶爾有功授副都統後征雲南陣亡贈三等輕車都尉祀昭忠祠阿思哈鑲黃旗人任漕運總督諡莊恪

臣等謹按薩克達係地名以地為氏

賽密呼氏

散處薩哈爾察黑龍江等地方巴爾都禪鑲黃旗人世居薩哈爾察地方由開

散征山東攻兗州府首先登城克之授一等輕車都尉又破流賊二十萬衆加一雲騎尉其兄多諾

襲職加至一等男海拉布鑲白旗人世居黑龍江地方由三等輕車都尉從征湖南擊敗孫可望兵

績攻浙江舟山陣亡贈二等輕車都尉祀昭忠祠羅多澤鑲白旗人由護軍校從征雲南入緬甸至

阿羅城獲柱王績征湖廣擊吳應奇陣亡贈雲騎尉祀昭忠祠

臣等謹按賽密呼本金姓見金史以姓為氏

精奇哩氏

散處精奇哩烏拉黑龍江等地方薩克慎正白旗人世居精奇哩烏拉地方係

和碩額駙敦岱正白旗人任都統

扎庫塔氏

散處瓦爾喀薩齊庫哈達噶哈里必漢額里村等地方瑚鈕正黃旗人世居瓦

爾喀地方由閒散攻定興縣首先登城克之賜巴圖魯號授騎都尉後征湖廣陣亡贈一雲

騎尉其弟舒寧阿由驍騎校攻樂城縣克其城後擊陸軍門兵陣亡贈騎都尉其姪伊爾格德由佐

領擊流賊有功授騎都尉征湖廣江西屢著軍功授一等輕車都尉兼一雲騎尉後征河南陣亡贈

三等男並祀昭忠祠努山正黃旗人世居噶哈里必漢額里村地方由前鋒統領征山東錦州等處

屢著戰功授二等男任內大臣其弟吉山由佐領  
破流賊滅福玉平定河南江南等處屢著戰功授  
副都統於蘇州府擊賊陣亡贈騎都尉祀昭忠祠  
彬筆正白旗人世居薩齊庫哈達地方由一等輕  
車都尉從征江西陣亡贈三等男祀昭忠祠羅多  
鑲白旗人彬筆同族任川陝總督烏庫理鑲白旗  
人世居和克通吉地方任奉天將軍瑪爾齊鑲黃  
旗人世居噶哈里地方任副都統征準噶爾陣亡  
贈騎都尉  
祀昭忠祠

烏蘇氏

散處瓦爾喀訥殷海蘭烏拉長白山等地  
方穆森鑲白旗人世居瓦爾喀地方任都

統齊克格鑲白旗人穆森同族國初來歸任弘  
文院大學士赫碩色鑲白旗人穆森同族任都統  
諡敏恪敦拜正藍旗人世居長白山地方任都察  
院左都御史德敏鑲白旗人任荊州將軍諡溫慤

博清額鏡白旗人任  
陝西巡撫諡清獻

臣等謹按烏蘇本部名見金史以部為氏

巴雅拉氏

散處松花江呼爾哈卦勒察庫穆努等  
地方敬古爾達正白旗人世居松花江

地方由騎都尉從征扎庫塔及烏爾古宸遼東等  
處屢著軍功授三等輕車都尉加至二等男諡忠

直巴薩哈鑲黃旗人世居呼爾哈地方由一等輕  
車都尉從征湖廣賊一雙虎兵征廣東擊敗李

定國兵四萬餘衆叙功授三等男博吉  
正白旗人世居穆楞地方任廣州將軍

輝和氏

散處長白山尼瑪察等地方道喇正紅旗  
人世居長白山地方由前鋒叅領擊敗松

山杏山兵入山海關擊敗流賊復追至安肅縣大  
敗之授騎都尉後征湖廣江西等處屢著戰功授

一等輕車都尉任都統加太子少傅諡勒襄其姪  
瑚巴任都統明德正紅旗人道喇同族任雲青總  
督察哈那鑲紅旗人世居尼瑪察地方由五品官  
從征陝西四川等處屢著軍功後在羅門鎮擊王  
屏藩陣亡贈雲  
騎尉祀昭忠祠

臣等謹按輝和係部名以部為氏

魯布哩氏

散處葉赫烏拉等地方遊達理鑲白旗  
人世居葉赫地方由散從征山東攻

濟南府首先登城克之

賜巴圖魯號授一

等輕車都尉加二等男任護軍統領加太子少傅

證果

壯

尼瑪察氏

散處尼瑪察濬野等地方艾博鑲紅旗  
人世居尼瑪察地方國初來歸由開

散從  
格殺之

太祖高皇帝田獵遇野兔突出隻身  
賜巴圖魯號後率二十人奪取石

山站城又攻義州同四十人殺入克之授三等輕  
車都尉其孫阿賴襲職從征江西屢敗賊兵征雲

南敗何繼祖等又敗胡圖秉等  
於雲南城下叙功授三等男

臣等謹按尼瑪察本元姓見元史以姓為氏

伊爾庫勒氏

散處諾羅呼爾哈等地方花色鑲白  
旗人世居諾羅地方由一等輕車都

尉從征厄魯特噶爾丹有功授三等男  
瑚寶鑲白旗人任湖廣總督諡恭恪

章佳氏

散處費雅郎阿馬爾墩章佳宜漢阿拉輝  
發等地方喀爾塔喇鑲白旗人世居費雅

郎阿地方由護軍叅領入山海關擊敗流賊二十  
萬衆又連敗流賊於懷慶府承天府等處授騎都

尉績征江西屢敗賊兵又擊敗金濟桓王得仁等  
兵七萬餘衆攻飽州府克其城授一等輕車都尉  
任護軍統領後征湖南陣亡贈三等男諡忠壯其  
子赫特赫襲職從征福建屢敗黃昌等於海上後攻  
海寇鄭成功陣亡贈騎都尉並祀昭忠祠達蘇鑲  
黃旗人由護軍叅領從征皮烏錦州黑龍江等處  
屢著戰功又敗流賊二十萬衆授騎都尉後團太  
原屢敗賊兵征四川擊敗賊張獻忠兵叙功授一  
等輕車都尉任內大臣阿克敦正白旗人任刑部  
尚書協辦大學士翰林院掌院學士加太子太保  
諡文勤哈達鑲黃旗人世居馬爾墩章佳地方任  
領侍衛內大臣尹秦鑲黃旗人世居宜漢阿拉地  
方任東閣大學士兼兵部尚書加太子少傅諡文  
恪其子尹繼善任文華殿大學士兼兵部尚書  
加太保諡文  
端祀賢良祠



臣等謹按章佳係地名以地為氏八旗氏族通譜  
內滿洲蒙古兩見今併入滿洲姓內又考蒙古章

佳氏世居扎魯特及歸化城土默特地方

寧古塔氏

散處寧古塔綏芬訥殷江和佟吉等地  
方多尼喀鑲白旗人世居寧古塔地方

由間散從征山東攻萊陽縣首先登城克之

賜巴圖魯號授騎都尉加一雲騎尉弟齊爾格

順襲加三等男伊爾哈岱正黃旗人世居

綏芬地方任都統第賴都任禮部尚書

臣等謹按寧古塔係地名以地為氏

薩哈爾察氏

散處伊爾費爾塔哈村烏拉等地  
方喀喀穆鑲黃旗人世居伊爾費爾塔

哈村地方由騎都尉署副都統加授三等男任江寧將軍

嵩佳氏

散處棟鄂瓦爾喀等地方蘇爾邁正藍旗人世居棟鄂地方由閒散攻旅順口義州

永平府皆克之

賜巴圖魯號授一等輕車

都尉加至三等男任兵部侍郎諡勤勇其姪鄂羅

順任江寧將軍又蘇爾邁之弟圖法任叅領從征

湖廣陣亡贈雲騎尉其孫瑪寧阿任協領從征準

噶爾陣亡贈雲騎

尉並祀昭忠祠

宜特墨氏

世居葉赫地方伊山正藍旗人由一等輕車都尉從征湖廣擊敗馬寶范齊韓

等兵二萬餘衆征雲南敗何繼祖王洪勳等兵二

萬餘衆授三等男已揚阿正紅旗人由護軍校從

征流寇屢著戰功後征四川擊賊張獻忠陣亡贈

雲騎尉祀昭忠祠烏瑪琿鑲白旗人任奉天將軍

扎思瑚哩氏

散處卦勒察和倫吉林烏拉等地方  
珍柱肯正白旗人世居卦勒察和倫

地方 國初率衆來歸授騎都尉從征黑龍江及  
錦州山東有功又擊敗流賊二十萬衆授二等輕

車都尉加至三等男其子  
科耀爾圖襲職任都統

瑚錫哈哩氏

散處瑚錫哈哩卦勒察伊蘭費爾塔  
哈村等地方賴達哈鑲白旗人從征

奔博果爾及錦州山東俱有功 賜巴圖魯  
號授二等輕車都尉加至三等男遼丹鑲黃旗人

世居伊蘭費爾塔哈村地方任吏部尚書喀  
岱正黃旗人世居卦勒察地方任兵部尚書

臣等謹按瑚錫哈哩係地名以地為氏

喜塔喇氏

散處尼雅滿山長白山蓋吉等地方  
碩正白旗人世居尼雅滿山地方任副

都統議政大臣征山東雲青及厄魯特噶爾丹有功授內大臣其從孫邁柱鑲藍旗人任武英殿大學士兼吏部尚書諡文恭來保正白旗人碩岱同族任武英殿大學士兼禮部尚書贈太保諡文端祀賢良祠穆和鑲藍旗人碩岱同族任戶部尚書庫禮正白旗人任戶部侍郎諡僖恪

秦楚魯氏

世居瑯春及音楚地方介石正藍旗人世居瑯春地方國初來歸由二等輕

車都尉從征雲南於石門坎桂花寺等處力戰破賊又征厄魯特噶爾丹有功加一雲騎尉贈三等男其子卓爾襲職任西安將軍

性佳氏

散處日瑯山秦性佳村等地方倭內正黃旗人世居貝瑯山秦地方從征山東福建

俱有功  
奉天將軍巴都理鑲黃旗人倭內同族世居性佳

村地方 國初來歸授英額闕口章京  
從征黑龍江有功任都統議政大臣

臣等謹按性佳係地名以地為氏

穆爾察氏

散處綏芬  
爾喀等地方

費摩氏

散處蜚悠城布爾哈圖長白山等地方  
文達鑲紅旗人世居布爾哈圖地方任文

華殿大學士兼吏部尚書諡文簡其孫溫福授定  
邊將軍征金川陣亡祀昭忠祠郭璪鑲紅旗人任  
雲貴總督諡勤恪其子國多歡任黑龍江將軍郭  
璪之弟法喀任都統金山正黃旗人任禮部尚書

簡

諡端

索佳氏

散處鄂爾坤烏爾呼界凡等地方葉陳正  
黃旗人世居烏爾呼地方由護軍校從征

雲南貴州屢立軍功後征四川陣亡贈騎都尉兼  
一雲騎尉祀昭忠祠蘇克準鑲白旗人葉陳同族

任都  
統

薩瑪爾吉氏

散處呼爾哈河布爾哈村松花江等  
地方唱普碩鑲藍旗人世居呼爾哈

河布爾哈村地方由間散從征山東攻靈壽縣首  
先登城力戰陣亡贈騎都尉其弟西奇納襲破流  
賊滅福王平定河南江南屢著戰功後擊土賊中  
箭陣亡贈一雲騎尉其姪敦達理由七品官從征  
湖廣陣亡贈雲騎  
尉並祀昭忠祠

齊佳氏

世居葉赫及  
齊佳等地方

格濟勒氏

散處雅爾綏芬寧古塔等地方武連禪  
正紅旗人世居綏芬地方由三等輕車

都尉從征福建屢敗賊兵後在廈門陣亡贈一雲  
騎尉加二等輕車都尉祀昭忠祠梅和訥正白旗  
人世居雅蘭地方由二等侍衛從征湖廣陣亡贈  
騎都尉祀昭忠祠烏什泰正白旗人世居黑龍江  
地方任

### 哲爾齊氏

世居尼瑪察及吉  
林烏拉等地方

### 索綽囉氏

散處輝發吉林等地方桑阿布鑲紅旗  
人世居輝發地方由主事從征四川值

王輔臣兵變陣亡贈雲騎尉祀昭忠祠瑚尼雅鑲  
白旗人世居吉林地方由護軍參領從征湖廣陣  
亡贈騎都尉兼一雲騎尉其弟納密達由聞  
散從征皮島陣亡贈騎都尉並祀昭忠祠

臣等謹按索綽囉係地名以地為氏

鄂卓氏

散處葉赫輝發黑龍江等地方紳奇正紅旗人世居葉赫地方任都統其叔穆舒由

副都統征湖廣擊敗杜慧等兵二萬餘衆後攻川

陰縣陣亡贈騎都尉祀昭忠祠哈爾松阿正藍旗

人世居輝發地方國初來歸由廢員從征大同

及遣往土默特部俱有功授騎都尉圍錦州敗松

山店山兵又敗洪承疇三營兵加至二等輕車都

尉其子桑圖襲職從征湖廣陣亡贈一雲騎尉祀

昭忠

祠

鈕赫呼氏

散處沙濟安褚拉庫英額等地方布爾哈正紅旗人世居安褚拉庫地方由護

軍校從征雲南貴州擊敗李成蛟李定國等後征

四川擊石存禮陣亡贈雲騎尉祀昭忠祠常蘇鑲

紅旗人世居英

額地方任都統



鄂濟氏

散處葉赫哈達松花江烏拉等地方哲爾  
懇正白旗人世居哈達地方任兵部尚書

鄂彌達正白旗人世居烏拉地方任刑部尚書協  
辦大學士加太子太保諡文恭達拜正白旗人世

居葉赫地方  
任杭州將軍

裕瑚魯氏

散處裕瑚魯呼爾哈等地方庫喀德正  
白旗人世居呼爾哈地方由協領從征

雲南貴州擊賊李成蛟等九千餘衆李定國率兵  
萬餘迎戰復擊賊之後征浙江陣亡贈騎都尉祀

昭忠  
祠

臣等謹按裕瑚魯係地名以地為氏

布爾察氏

世居阿庫里及呼爾哈等地方圖爾  
伯紳正黃旗人任杭州將軍諡敏果

伊拉哩氏

散處烏拉葉赫輝發納殷等地方阿山  
鑲藍旗人世居烏拉地方任江南江西

總督刑部尚書丹岱鑲黃旗人世居葉赫地方由  
佐領攻取邊城又攻安肅縣城克之又敗松山杏

山兵授騎都尉兼一雲騎尉後擊洪承疇陣亡贈  
一等輕車都尉祀昭忠祠其子達哈塔襲職加至

二等男任理藩院侍郎沙納海鑲黃旗人任黑龍  
江將軍索諾和正藍旗人世居納殷地方任兵部

尚書阿囊阿鑲紅旗人世居蜚悠城地方由佐領  
入山海關敗流賊二十萬衆追騰吉斯擊敗土謝

圖汗及碩羅汗等兵授雲騎尉後於東  
昌府擊土寇陣亡贈騎都尉祀昭忠祠

呼爾哈氏

散處呼爾哈新達謨城錫伯等地方康  
喀齊鑲藍旗人世居新達謨城地方

國初率族衆來歸授扎爾圖齊額十六大  
臣之列任工部尚書其曾孫瑚林任都統

臣等謹按呼爾哈係地名以地為氏

蘇佳氏

散處葉赫尼雅滿等地方歸穆臣正紅旗人世居葉赫地方由閒散攻鄭城縣音先

登城力戰帥亡贈騎都尉祀昭忠祠其從孫阿揚阿任天津都統武喀達鑲紅旗人世居尼雅滿地方由護軍校從征察哈爾布爾尼屢敗賊衆後征湖廣陣亡贈雲騎尉祀昭忠祠

溫徹亨氏

世居烏拉及葉赫地方

哲爾德氏

散處界凡烏拉等地方顧山正黃旗人世居界凡地方由佐領從征山東屢著

勞績後征朝鮮陣亡贈騎都尉祀昭忠祠

溫察氏

散處葉赫輝發等地方謨絡渾正紅旗人世居葉赫地方由員外郎從征福建屢敗

賊兵後在厦門陣亡  
贈騎都尉祀昭忠祠

皇朝通志卷三